

欽定歷代職官表

11

7保
544
12



第 4
4346
12



欽定歷代職官表卷三十六

太醫院表

使院院醫太	周 醫師上	元
	太醫令	秦
	太醫令	漢
	太醫監 尚藥監 太醫正	漢 三國
	太醫令	晉
	太醫令	宋 齊
	太醫令	魏
	御藥 中尚藥 典御 太醫令	齊
	大夫	隋
	御藥 御	唐
	奉醫 大夫 太醫令	唐
	翰林醫官 使	宋
	判太醫局 使	遼
	都林互提點 使	金
	提點 使	元
	院使	明

職官表卷三十六
太醫院表

廣雅書局印

十人醫士二十人十八年省吏目二十人並省豫授吏目
員額康熙九年復置吏目豫授吏目各十人十四年省吏
目十人三十一年又省豫授吏目六十一年增置醫士二
十人雍正元年復增置吏目十人改豫授吏目為吏目七
年增御醫五人八年吏目改為八品九品者各十五人增
置食糧醫員三十人又有效力醫生無定員掌灸製之法
以治藥院使攷其術而進退之又設教習廳簡御醫吏目
之能者二人為教習以課醫人習醫焉

歷代建置

三代

周禮天官醫師上士二人下士四人府二人史二人徒二

十人掌醫之政令聚毒藥以供醫事凡邦之有疾病者有
疝瘍者造焉則使醫分而治之歲終則稽其醫事以制其
食十全為上十失一次之十失二次之十失三次之十失

四為下

鄭康成注醫
師眾醫之長

食醫中士二人掌和王之六食六飲

六膳百羞百醬八珍之齊凡食齊既春時羹齊既夏時醬
齊既秋時飲齊既冬時凡和春多酸夏多苦秋多辛冬多
鹹調以滑甘凡會膳食之宜牛宜稌羊宜黍豕宜稷犬宜
梁雁宜麥魚宜菰凡君子之食恆放焉疾醫中士八人掌
養萬民之疾病四時皆有癘疾春時有瘡首疾夏時有疥
疥疾秋時有癰寒疾冬時有嗽上氣疾以五味五穀五藥
養其病以五氣五聲五色既其死生兩之以九竅之變參

之以九藏之動凡民之有疾病者分而治之死終則各書其所以而入于醫師瘍醫下士八人掌腫瘍潰瘍金瘍折瘍之祝藥劑殺之齊凡療瘍以五毒攻之以五氣養之以五藥療之以五味節之凡藥以酸養骨以辛養筋以鹹養脈以苦養氣以甘養肉以滑養竅凡有瘍者受其藥焉獸醫下士四人掌療獸病療獸瘍凡療獸病灌而行之以節之以動其氣觀其所發而養之凡療獸瘍灌而劑之以發其惡然後藥之養之食之凡獸之有病者有瘍者使療之死則計其數以進退之

漢書藝文志方技者皆生生之具王官之一守也太古有岐伯俞拊中世有扁鵲秦和蓋論病以及國原診以知政

謹案漢書司馬相如傳詔岐伯使尙方注引張揖曰岐伯者黃帝太醫屬使主方藥也徐堅初學記引郭璞巫咸山賦序曰巫咸以鴻術爲帝堯之醫是太醫之職由來已久故班固以爲王官之一守特至周而其制始備耳又周禮所載王與卿大夫則醫師治之而疾醫但稱掌養萬民之疾病其職似亦有差等然疾醫僅中士八人必不能徧治萬民之疾當必大且危者然後醫士治焉其餘則受方於醫師而未列職者皆使分治殆如今民間之醫聽其自行治療而不必盡官領之歟

秦

杜佑通典秦有太醫令丞主醫藥

史記扁鵲列傳秦太醫令李醢

史記刺客列傳侍醫夏無且

謹案左傳載春秋時良醫如和緩之類皆出於秦是秦人多工醫術故其設官亦備據刺客傳所記是令丞以外尚有侍醫主提藥囊在殿上侍立蓋即如今之御醫也

漢

漢書百官志公卿表奉常屬官有太醫令丞

應劭漢官儀太醫令周官也秩千石丞三百石

後漢書桓譚傳董賢風太醫令真欽使求傅氏罪過

漢書王嘉傳侍醫伍宏等侍內案脈

漢書貢禹傳侍醫臨治顏師古注侍醫天子之醫也

漢書藝文志侍醫李柱國校方技

漢書百官公卿表少府屬官有太醫令丞

太平御覽少府太醫令丞無員多至數千人

王應麟玉海少府有太醫令太常復有令丞蓋禮官之太醫司存之所少府之太醫通乎王內

漢書外戚傳上官桀妻父所幸充國為太醫監

謹案西漢太醫令丞有二一屬太常一屬少府史不言其分置之由以王應麟所言核之其屬太常者蓋如今太醫院之職其屬少府者則如今藥房官之隸於內務府也至侍醫乃承秦舊稱當即今之御醫而王嘉傳之

侍醫伍宏董賢傳又稱為醫待詔疑為一官而兩名又李柱國亦侍醫而隋書載其官又作太醫監疑亦以侍醫遷為此職如今御醫升補院判之比又外戚傳有女醫淳于衍得入宮侍皇后疾因搗附子合太醫大丸以飲皇后霍光傳則稱為乳醫淳于衍師古曰視產乳之疾者殆漢時又有此等女醫同隸於太醫令以備諸科之一特史未詳其制耳

後漢書百官志太醫令一人六百石掌諸醫藥丞方丞各一人藥丞主藥方丞主方右屬少府

劉昭後漢志注漢官曰員醫二百九十三人員吏十九人通典漢有醫丞有醫工長

徐堅初學記司馬彪續漢書曰東平王蒼到國病詔遣太醫丞將高手醫視病

後漢書方術傳郭玉和帝時為太醫丞

裴松之三國志注魚豢魏略曰脂習除太醫令與孔融親善

太平御覽典論曰中常侍張讓子奉為太醫令

後漢書蓋勳傳京兆高望為尚藥監

謹案東漢太常屬官無太醫令惟少府有之蓋視西京舊制已有減省而尚藥監一官百官志亦不載當即西漢之太醫監也

史記倉公列傳齊太醫先診病

謹案倉公傳有齊太醫又有齊王侍醫蓋漢世諸侯王國其設官多準天朝今竝附識於此又據劉昭補志注引漢官所載當時百官府皆有官醫員額疑其人雖分隸諸司而考選補用當亦由太醫主之自唐以後其法久廢惟今刑部設醫士二人由院簡送六歲一更更之日稽其醫事之優劣優者升吏目劣者斥之似與漢制頗為相近云

三國

〔通典〕漢太醫令丞屬少府魏因之

晉

〔晉書職官志〕宗正統太醫令史及渡江哀帝省并太常太

醫以給門下省

〔通典〕太醫令晉銅印墨綬進賢一梁冠絳朝服而屬宗正謹案晉書太醫令史疑當作令丞蓋傳刻有譌據愍懷太子傳有太醫令程據是晉制實沿漢魏之舊不應僅設令史也

宋齊梁陳

〔宋書百官志〕太醫令一人丞一人隸侍中

〔南齊書百官志〕太醫令一人丞一人屬起部亦屬領軍

〔司馬光資治通鑑〕齊明帝建武元年海陵恭王有疾遣御師瞻視胡三省注御師醫師也以其供御故謂之御師

謹案南齊太醫屬起部及領軍與宋制不同杜佑以為

宋齊俱隸侍中者誤至御師之稱百官志不載蓋卽太醫令所屬諸醫當如今之御醫也

隋書百官志梁門下省置太醫令又太醫二丞中藥藏丞爲三品勳位

冊府元龜尙藥自梁以降皆太醫兼其職陳如梁制

北史姚僧垣傳僧垣仕梁爲太醫正

謹案梁之太醫正不見於百官志當是太醫令屬官殆天監以後始置史所載皆其初定之制故未之及耳其後隋大業中於太醫署置正十人蓋亦承梁制而設也

北魏

魏書官氏志太醫博士從第七品下太醫助教從第九品

中

魏書藝術傳周澹善醫藥爲太醫令李修爲前軍將軍領太醫令

魏書徐謩傳轉右軍將軍侍御師

魏書王顯傳顯以醫術自通召補侍御師累遷廷尉少卿仍在侍御營進御藥

胡三省通鑑注醫師侍御左右因以名官後魏之制太醫令屬太常掌醫藥而門下省別有尙藥局侍御師蓋今之御醫也

謹案北魏太醫令復隸太常而門下省又有尙藥局與漢之少府屬官別置太醫令者其制相合嗣後歷代多

因之今太醫院專掌醫事而內務府亦有內藥房主事
庫掌等員同司治藥亦卽此例但醫官通乎王內其職
守本屬相資並無區別今故併繫於此而仍互見於內
務府篇云

北齊

冊府元龜北齊門下省統尙藥局有典御二人侍御師四
人尙藥監四人總御藥之事

隋書百官志後齊尙藥局丞二人中侍中省有中尙藥典
御及丞各二人

鄭樵通志北齊曰太醫令丞

隋書百官志後齊太常屬官有太醫令丞

大三百二十三

北史藝術傳齊大寧二年徐之才弟之範爲尙藥典御又
有尙藥典御鄧宣文

後周

通典後周官品正四命天官太醫小醫等下大夫正三命
天官小醫醫正瘍醫等上士正二命天官醫正瘍醫等中
士正一命天官主藥醫正瘍醫等下士

孫逢吉職官分紀後周有主藥六人

隋書姚僧垣傳周大象二年除太醫下大夫

隋

隋書百官志高祖受命置門下省統尙藥局典御二人侍
御醫直長各四人醫師四十人太常統太醫署令二人丞

一人太醫署有主藥二人醫師二百人藥園師二人醫博士二人助教二人案摩博士二人祝禁博士二人煬帝分門下為殿內省統尚藥局置奉御二人正五品直長貳之正七品又有食醫員尚藥直長四人又有侍御醫司醫醫佐員太醫又置醫監五人正十人

陳振孫書錄解題巢元方隋太醫博士

唐

舊唐書職官志殿中省有尚藥局奉御二人正五品下直長四人正七品上書吏四人侍御醫四人從六品上主藥十二人藥童三十人司醫四人正八品上醫佐八人正八品下按摩師四人咒禁師四人

唐六典龍朔二年改奉御為奉醫大夫咸亨元年復故

職官分紀奉御掌合和御藥及診候之事直長為之貳凡藥有上中下之三品凡和藥宜用一君三臣九佐方家之大經也必辨其五味三性七情為和劑之節其用又有四焉曰湯丸酒散視其病之深淺所在而服之凡合和御藥與殿中監視其分劑藥成先嘗而後進

唐六典侍御醫掌診候調和司醫醫佐掌分療眾疾主藥藥童掌刮削擣篩按摩師咒禁師所掌如太醫之職

新唐書百官志太醫署令二人從七品下丞二人醫監四人竝從八品下醫正八人從九品下

舊唐書職官志太醫令掌醫療之法丞為之貳其屬有四

曰醫師針師按摩師咒禁師皆有博士以教之其考試登用如國子之法凡醫師醫工醫正療人疾病以其痊多少而書之以爲考課藥園師以時種蒔收採諸藥

〔唐六典〕太醫署有府二人史四人主藥八人藥童二十四人藥園師二人藥園生八人掌固四人醫師二十人醫工百人醫生四十人典藥一人針工二十人針生二十人按摩工五十六人按摩生十五人咒禁師二人咒禁工八人咒禁生十人

〔新唐書百官志〕醫博士一人正八品上助教一人從九品上掌教諸生以本草甲乙脈經分而爲業一日體療二日瘡腫三日少小四日耳目口齒五日角法針博士一人從八品上助教一人針師十人並從九品下掌教針生以經脈乳穴教如醫生按摩博士一人按摩師四人並從九品下掌教導引之法以除疾損傷折跌者正之咒禁博士一人從九品下掌教咒禁祓除爲厲者齋戒以受焉

謹案唐沿隋制於京師置藥園一所擇良田三頃取庶人子年十六以上二十以下充藥園生業成補藥師令其種蒔諸藥蓋因方劑中有應取鮮植者故別種以儲用其他則仍從所出州土採辦貯之右藏庫如今直省歲解藥材之比非盡取給於藥園也又史載尙藥奉御二人而新唐書藝文志顯慶四年奉敕編類本草者有尙藥奉御許孝崇胡子家蔣季璋三人殆亦隨時增減

不盡拘定額歟

五季

馬端臨文獻通考五代時有翰林醫官使

謹案五季寺監諸屬官多所裁併而辭居正舊五代史

陳元傳載元以善醫擢用又歐陽修新五代史扈載傳

亦有遣太醫視疾之文是當時太醫之職猶存特不隸

於太常與古制不同耳

宋

宋史職官志殿中省總六局掌藥局掌和劑診候之事有

典御有奉御有醫師

文獻通考宋制翰林醫官院使副各二人竝領院事以尙

藥奉御充或有加諸司使者直院四人尙藥奉御六人醫

官醫學祇候無定員舊制翰林醫官使四人副使二人直院七人尙藥奉御七人醫官三十人

醫學四十人祇候醫人十二人其員猥多寶元二年始立使副直院尙藥奉御定員醫官醫學無班位以服色爲差

加同正官至尙藥奉御者或加檢校官其直院則奉御及同正官皆爲之多自醫官特獎而授

藥及承詔視療眾疾之事

江少虞宋朝事實類苑賈黃中中風眩卒太宗切責諸醫

大搜京城醫工凡通神農本草黃帝難經素問及善針灸

藥餌者校其能否以補翰林醫學及醫院祇候

宋史職官志太常寺太醫局有丞有教授有九科醫生額

三百人歲終則會其全失而定其賞罰太醫局熙寧九年置以知制誥熊本

提舉大理寺丞單驤管轄後詔勿隸太常寺置提舉一判局二判局選知醫事者爲之科置教授一選翰林醫官以

下與上等學生及在官良醫爲之 孝宗隆興元年省併醫官而罷局生續

以虞允文請依舊存留醫學科不置局權令太常寺掌行
紹熙二年復置太醫局局生一百員爲額餘依未罷局前
體例仍隸太常寺

宋史選舉志醫學初隸太常寺神宗時始置提舉判局官
及教授一人學生三百人設三科以教之曰方脈科鍼科
瘍科常以春試三學生願與者聽崇寧間改隸國子監紹
興中復置醫學以醫師主之乾道二年罷局而存御醫諸
科紹熙二年復置局

文獻通考崇寧元年詔醫官有勞轉皇城使實及五年方
許除遙郡刺史又七年除遙郡團練又十年以上方許除
遙郡防禦使醫官有和安成和成安成全大夫保和大夫
保安大夫翰林良醫和安成和成安成全郎保和郎保安
郎翰林醫正翰林醫官翰林醫效翰林醫痊翰林醫愈翰
林醫證翰林醫診翰林醫候翰林醫學舊諸司使副有醫
官使及副使蓋自太醫丞直院轉醫官副使敘遷年格一
同武官但爲東班使額耳政和初旣易武階而醫官之名
亦遂易焉凡十有九階立和安大夫視權易使以上翰林
良醫視醫官使其和安郎以下視東副使若醫官副使則
以醫正易之舊額和安大夫至良醫二十員紹興二年五
員和安郎至醫官元額三十員紹興二年四員醫效元額
七員紹興二員醫痊元額十員今一員醫愈至祇候大方

脈元額百五十員紹興十五員而已

洪邁容齋隨筆神宗立醫官額止於四員及宣和中自和安大夫至翰林醫官凡一百十七人直局至祇候凡九百七十九人冗濫如此三年五月始詔大夫以二十員郎以三十員醫效至祇候以三百人為額而額外人免改正但不許作官戶見帶遙郡人竝依元豐舊制然竟不能循守也乾道三年正月隨龍醫官平和大夫階州團練使潘攸差判太醫局請給依能誠例支破邁時在西掖取會能誠全支本色因依誠係和安大夫譚州觀察使月請米麥百餘石錢數百千春冬綿絹之屬比他人十倍因上章極論之乞將攸合得請給令戶部照條支破孝宗諭云豈惟潘攸不合得并能誠亦合住了即日御筆批依仍改正能誠已得真俸之旨旋又罷醫官局

李燾續資治通鑑長編御藥院掌按驗祕方和劑藥品以進御及供奉禁中之用至道三年始置以入內供奉官三人掌之或參用士人

謹案宋太常寺雖有太醫局但主以醫學教授生徒其掌醫之政令者實在醫官院故設有使副等官正如今之太醫院也至御藥院掌以方藥供御當如今之內藥房而中葉以後多以宦官領之攷之朝野雜記隨隱漫錄諸書所司又在應奉禮儀不專主方藥之事故有詔命則監學士院草麻駕出則夾輦左右乃內臣近御者

職官表卷三十六
之職蓋名雖存而實已非矣

遼

遼史百官志北面局官職名有太醫局都林牙局使局副使南面官翰林醫院有翰林醫官

金

金史百官志太醫院提點正五品使從五品副使從六品判官從八品掌諸醫藥總判院事管勾從九品隨科至十人設一員以術精者充如不至十人併至十人置不限奉上天醫一百二十副奉上天醫不算長行太醫不算科額五十人○御藥院提點從五品直長正八品掌御湯藥明昌五年設都監正九品不限同監從九品不常除

謹案太醫院之名始自金代而當時領於宣徽院不為分署蓋猶沿前代太醫隸屬太常之遺制也又有尙藥局亦宣徽屬官即前代殿中監所統六局之一而所司在茶果湯藥不專醫事今故不列於此表焉

元

元史百官志太醫院秩正二品掌醫事製奉御藥物領各屬醫職中統元年置宣差提點太醫院事二十年改為尙醫監秩正四品二十二年復為太醫院置提點四員院使副使判官各二員大德五年陞正三品設官十六員十一年增院使二員皇慶元年增院使二員二年增院使一員至治二年定置院使十二員正二品同知二員正三品簽

院二員從三品同簽二員正四品院判二員正五品經歷二員從七品都事二員從七品照磨兼承發架閣庫一員正八品令史八人譯史二人知印二人通事二人宣使七人○御藥院秩從五品掌受各路鄉貢諸蕃進獻珍貴藥品修造湯煎至元六年始置達魯噶齊解見戶部篇一員從五品大使一員從六品副使三員正七品直長一員都監一員○御藥監秩從五品掌兩都行篋藥物本局但掌上都藥倉之事定置達魯噶齊一員從五品局使二員從五品副使二員正七品○行御藥局秩從五品達魯噶齊一員大使二員副使三員品秩同上掌行篋藥物大德九年始置

元史武宗本紀至大二年三月陞掌醫署爲典醫監仁宗本紀至大四年四月罷典醫監

謹案太醫一官歷代皆分隸於門下殿中諸省及太常寺宣徽院其獨爲一署無所隸屬實自元始又別置御藥院則當如今之內藥房而御藥典醫諸監復多所勑建旋置旋廢殊爲冗贅又武宗紀載至大中中書省臣言太醫院遣使取藥材於陝西四川雲南費公帑勞驛傳乞禁止從之是當時立法未善使院官得借以勞擾州郡今制凡直省歲解藥材由戶部收貯附庫以時支用其內藥房所需藥材均按例給價令藥商赴部領銀採辦以生藥交進院官詳驗擇其佳者送藥房備貯洵

為經久無弊矣

明

明史職官志太醫院院使一人正五品院判二人正六品其屬

御醫四人正八品後增至十八人吏目一人從九品隆慶五年定設十人

人生藥庫惠民藥局各大使一人副使一人太醫院掌醫

療之法凡醫術各十三科醫官醫生專科肄業曰大方脈

曰小方脈曰婦人曰瘡瘍曰鍼灸曰眼曰口齒曰接骨曰

傷寒曰咽喉曰金鏃曰按摩曰祝由凡醫家子弟擇師而

教之三年五年一試再試三試乃黜陟之凡藥辨其土宜

擇其良楛慎其條製而用之太祖初置醫藥提舉司設提

舉從五品同提舉從六品副提舉從七品醫學教授正九品學正官

醫提領從九品尋改為太醫監設少監正四品監丞正六品吳元

年改監為院設院使秩正三品同知正四品院判正五品

典簿正七品洪武六年置御藥局于內府始設御醫十四

年改太醫院為正五品設令一人丞一人吏目一人屬官

御醫四人俱如文職授散官二十二年復改令為院使丞

為院判

明會典御藥房嘉靖十五年改為聖濟殿擇術業精通者

供事

明史方術傳許紳初供事御藥房嘉靖改元授御醫屢遷

太醫院使受知于世宗連加通政使禮部侍郎工部尚書

竝領院事

謹案周禮醫師以上士爲眾醫之長而疾醫瘍醫等以中下士佐之蓋醫之政令聽於冢宰醫師等皆以其職屬焉故祿秩至三命而止西漢太醫令千石隸太常少府而統於丞相御史葉時禮經會元謂其猶有周官遺意北魏及周齊徐之才周澹王顯姚僧垣等咸以醫著至位歷僕射爵爲公侯頗見褻濫然之才等本由儒吏見用與專以一技登進者有殊自宋之末季廣置醫官名目繁冗其久次者至寵以州郡防禦團練之職而周密癸辛雜識有御診王承宣則又可加至承宣使甚者如岳珂程史所載醫師王繼先積官留後與秦檜表裏勢焰大張諸子至列延閣金紫盈門紀綱凌替至此已

極元代太醫院雖獨爲一署而據宦官列傳李邦寧以禮部尙書提點太醫院尋又加大司徒領太醫院事是則又以闔豎典司公然位列公台尤爲乖繆明則若許紳以供奉之勞至加以尙書職銜亦同此弊

國家董正治官太醫諸員各執藝入直恪共厥事院使院判間有蒙

特旨加銜者不過至三四品而內藥房以內務府大臣管理程式有定視周典更爲詳慎矣

欽定歷代職官表卷三十六

太倉錢清貽初校
江陰陳名慎覆校
番禺陶福祥再覆校

欽定歷代職官表卷三十七

內務府表

內務府總管大臣	殷 六府	三
	周 天宮 宰	秦
	宮正 宮伯 內宰	漢
		後
		漢
		三
		國
		晉
		宋 齊
		魏
		齊
		隋
		唐
		宋
		遼
		金
		元
		明

慎刑司		營造司		豐司	
小宰所掩廄 令		匠人 向方合考工室 將作少合丞 左右司 空合丞		慶教人下 牛人中 羊人下 士	
永巷合幕室丞 若虛獄 掖庭令官		向方合左右 三向方 令丞		慶教人上林郎	
掖庭令幕室合掖庭監 丞		左右中左右 三向方 令丞			
掖庭局		中司金玉 三向方等 令丞		東西牛典化典 羊典駝 羊典羊等 羊典士	
令		左右中 三向方 令丞		牛典司	
		司木司 司水 司皮等 下大夫 正士 內匠士			
令		修內司提舉台 使副使八作司 裁造署左人作 令丞			
		修內司 祗應司 器物局			

心殿造辦處		豐司		慎刑司	
		慶教人下 牛人中 羊人下 士		小宰所掩廄 令	
向方合左右 三向方 令丞		慶教人上林郎		永巷合幕室丞 若虛獄 掖庭令官	
左右中左右 三向方 令丞				掖庭令幕室合掖庭監 丞	
中司金玉 三向方等 令丞		東西牛典化典 羊典駝 羊典羊等 羊典士		掖庭局	
左右中 三向方 令丞		牛典司		令	
監官 造作所 鈎當官				令	
祗應司 提點令丞		廣雅書局 承		令	
尚方署 令丞		承		令	
文思署 令丞		承		令	
祗應司 器物局		承		令	

職官表卷三十七
內務府表
五
廣雅書局

式帖筆司各官催掌庫司各

直長

掌固

主簿

錄事

監作

宣徽都

勾押官

殿中管

幹官

掌庫

庫典

直長

都監

同監

令史
令史
頭令史
書令史

管勾

謹案內務府為

聖朝特創超越萬古之經制前代職事有散在各官者謹詳

攷而著之于表至官由特設無可比例如

寧壽宮

中正殿

雍和宮

御書處

武英殿修書處諸職以及

咸安宮

景山官學納銀莊官房租庫諸事務皆前古所未有今竝

於表中闕之以見我

職官表卷三十七 內務府上

廣雅書局

聖朝創制設官非前代所可企及至如三旗護軍營統領參
領護軍校等職設官與八旗護軍營同歷代建置已見
八旗護軍營表茲亦不重著焉

內務府上

國朝官制

內務府總管大臣無定員

以待衛府屬郎中內三院卿
用或以王公內大臣尙書侍郎兼攝

初品級無定乾隆十
四年定爲正二品

掌理內府之政令凡職員選除財用出入宴饗祭祀膳羞
服御賞賚賜予刑罰工作教習訓導之事皆綜理而受其
成凡直宿日派總管一人如因事不能入直以郎中代之
所屬廣儲會計掌儀都虞慎刑營造慶豐七司及諸衙門
上駟院奉宸苑武備院竝隸焉

國初置內務府順治十一年改置十三衙門曰司禮監尙方
司御用監御馬監內官監尙衣監尙膳監尙寶監司設監

兵仗局惜薪司鐘鼓司織染局十八年竝裁仍設內務府
以大臣總管

堂郎中一人正五品 堂主事二人正六品 堂筆帖式三十八人內一

人委署主事兼司缺筆帖式四人

堂郎中主事掌治堂事凡府屬文職陞補武職隸都虞司及章奏

文移皆隸焉康熙四十二年設郎中一員後省雍正十三

年復設堂主事康熙十六年設委署主事雍正元年設後

省乾隆二十二年復設即以筆帖式補放給與六品虛銜

不出缺各司主事委署主事裁設皆同筆帖式掌理文案順治十八年設

十六員以後陸續增設至三十八員各司筆帖式因其事之繁簡以定額皆先

後裁設兼司缺筆帖式雍正四年設

廣儲司總管六庫郎中二人部員兼管六庫郎中二人郎中四

人員外郎十二人部員兼庫員外郎六人從五品主事一人委署

主事一人司庫十二人正六品無品級司庫十二人筆帖式二十

六人

總管六庫郎中掌總核六庫出納事務郎中員外郎主事

掌分理各庫部員兼庫郎中員外郎掌兼綜庫事以資糾

查司庫掌儲藏出納初名御用監順治十八年分爲銀庫

皮庫緞庫衣庫康熙十六年改定爲廣儲司四庫二十八

年分設磁庫茶庫共爲六庫郎中初設三人雍正十三年

增設總管郎中二人員外郎初設八人康熙二十八年增

四人部員兼庫郎中員外郎乾隆三十三年設司庫康熙

九年設八人二十八年增四人無品級司庫康熙四十四年設自後陸續增設

寧壽宮管理事務郎中二人員外郎二人主事一人委署主事一人筆帖式四人學習筆帖式四人內管領二人正六品郎中員外郎主事掌稽查看守

寧壽宮陳設輪流直宿及造具檔冊之事內管領掌分地掃除乾隆四十年以

寧壽宮地方緊要派內務府大臣二人專管竝設立郎中員外郎主事筆帖式內管領等員以專司其事其檔籍清冊鈐用廣儲司印四十四年增設委署主事一人學習筆帖式四人

織造監督江寧府蘇州府杭州府各一人內府司官內奏簡帶原銜管理司庫各一人筆帖式各二人庫使各二人

掌分司所駐劄地方供奉

上用段疋及應用官用段疋皆監視而督理之歲終奏銷造冊呈內務府以副冊送廣儲司察覈順治初年設三處織造官監督筆帖式庫使各一人三年一代十八年定一年更代康熙元年各增庫使一人二年奏定三處織造不限年更代各增筆帖式一人六年各增庫使一人會計司郎中二人員外郎六人主事一人委署主事一人筆帖式二十六人催長五人

掌核理內府帑項出納之數及莊園地畝戶口徭役定其

籍而受其要焉初名內官監順治十七年改為宣徽院康熙十六年改定為會計司初設郎中三人康熙三十八年裁一人雍正元年復設一人乾隆四十年裁一人員外郎額順治十七年定初設催總八人後裁尋復設五人後改為催長

內管領掌關防一人

於各司院郎中內揀選兼管

協理關防事務二人

於各司院

員外郎內揀選兼管

內管領三十人

正五品

副內管領三十人

正六品

筆帖式八人

內管領副內管領掌承應

內廷洒掃糊飾官三倉出納酒菜器皿皆司之並管理該管領下戶口田產官員俸餉兵丁錢糧之收發出入

國初設內管領四員順治間增十六員康熙二十三年每管領下增設副內管領一員嗣後陸續增置有官三倉酒醋房青菜庫外餽餽房車兩庫家伙倉蠟備倉冰窖蠟票蘇拉處諸專司之事雍正元年以一員管理關防二員協理關防事務乾隆十五年以各司院郎中揀選一員掌理關防員外郎二員協理關防事務其掌關防之內管領仍專司本管領之事

管理三旗納銀莊郎中一人員外郎六人委署主事一人筆帖式十有二人

掌三旗各莊之糧稅徵收治其賞罰與其優恤之事初由三旗各佐領管理康熙三年設員外郎六人專管十六年

隸會計司雍正元年另設衙門置郎中一員乾隆元年設主事一人後裁

掌儀司郎中二人員外郎八人主事一人委署主事一人筆帖式二十一人司俎官五人正六品贊禮郎十有七人六品頂帶 會七品俸

掌內府祭祀筵宴禮儀樂舞之事初名禮儀監順治十七年改為禮儀院康熙十六年改定為掌儀司初設郎中三人員外郎八人康熙三十八年裁郎中一人司俎官初為司昨官設四人後增設一人竝改為司俎贊禮郎初設十人雍正十年增五人又有樂部郎中員外郎等官別見樂部篇

御茶膳房總管大臣無定員尚膳正尚茶正頭等侍衛各一人二等侍衛各二人尚膳副尚茶副三等侍衛各二人尚膳三等侍衛四人藍翎侍衛七人尚茶三等侍衛三人藍翎侍衛四人主事一人委署主事一人筆帖式十有二人

掌敬設

上用茶品供奉

御饌及供應賜茶筵宴之事初設飯房總領茶房總領各三人飯上人三十五人茶上人十七人康熙二十八年定飯上人委署總領一人雍正元年定飯房茶房總領俱授為二等侍衛飯上人授三等侍衛六人藍翎侍衛七人茶上人授三等侍衛三人藍翎侍衛四人又定茶房侍衛內委署總領一人乾隆八年定飯房茶房二等侍衛內各授一等

侍衛一人十五年改飯房為外膳房二十四年改飯房總

領為尙膳正副總領為尙膳副茶房總領為尙茶正副總

領為尙茶副雍正二年設主事一人

中正殿管理事務員外郎二人筆帖式四人內務府三人外旗蒙古一人

雍和宮管理事務郎中一人員外郎一人筆帖式三人

掌造辦佛像供應念經事務

中正殿員外郎康熙三十六年設

雍和宮郎中等員乾隆九年以司官兼管十六年定為額設

咸安宮官學管理事務大臣一人協理事務大臣一人以內大臣

簡派兼充滿漢總裁六人以翰林院官充滿二人漢四人管理事務郎中二人員外

郎二人筆帖式一人滿洲教習十三人繙譯六人清語三人弓箭四人漢人教

習九人官學生一百一十人蒙古學總裁二人管理事務司官

二人教習二人官學生二十四人

景山官學兼管事務司官五人以郎中員外郎派充滿洲教習九人漢人

教習十二人官學生三百八十八人

景山官學掌訓迪內府三旗之俊秀教之書射以作興人材

康熙二十四年立

咸安宮官學凡內府三旗八旗滿洲蒙古之優穎者皆與焉

雍正七年立乾隆元年定

咸安宮官學生內務府畱三十人增設八旗滿洲各十人十

三年增設蒙古官學員額皆陸續增定

御藥房兼管司官二人內管領一人主事一人委署主事一人

副內管領二人庫掌二人七品職銜委署庫掌二人筆帖式十
二人八品俸

掌詳慎供用藥料和合丸散之事順治十年設以總管首
領太監管理康熙三十年改歸府屬員額陸續增置

都虞司郎中二人員外郎五人主事一人委署主事一人筆帖
式二十六人催長八人

掌府屬武職陞補及三旗禁旅訓練遣調供應畋漁之禁
令初名尙膳監順治十八年改爲採捕衙門康熙十六年

改定爲都虞司初設郎中三人員外郎五人後各裁一人
內務府鑲黃正黃正白三旗護軍營護軍統領各一人正三品護

軍參領各五人三品職銜副護軍參領各五人四品職銜孔雀
食五品俸

翎委署參領各三人五品職銜前鋒委署參領各二人五品
食護軍校錢糧烏鎗護軍校各二十人正六品翎長從六品舊營護軍

校各十三人前鋒護軍校各二人前鋒戴藍翎委署護軍校各
二人正七品舊營戴藍翎委署護軍校各五人筆帖式各十人

圓明園內務府三旗護軍營夸蘭大一人三品職銜護軍參領
各一人副護軍參領各一人委署參領各一人護軍校各三人

副護軍校各一人筆帖式四人
護軍營統領參領等官掌率其屬以宿衛

宮禁導引扈從及訓練察班之事
國初每旗編爲五甲喇設參領一人順治九年立烏鎗營每
旗添設參領委署參領護軍校等員十三年烏鎗護軍撥

回舊營以委署參領為副參領乾隆十三年立前鋒營設
前鋒委署參領護軍校等員

圓明園內三旗護軍營夸蘭大及參領等官掌率其屬以翊
衛園苑及訓練稽察之事雍正三年以

京城內護軍營分駐設參領護軍校等員九年設執掌關防
夸蘭大一員

熱河

行宮總管二人初制正五品乾隆三十五年定為正四品其由
尚書都統內務府簡放者仍各帶原品職

苑副四人正五品千總十一人正六品副千總二十二人喀喇河

屯長山峪兩間房巴克什營中關波洛河屯吉爾哈朗圖阿穆
呼朗圖張三營等處

行宮千總各一人副千總各一人王家營釣魚臺黃土坎十八
理汰等處

行宮副千總各一人

溥仁寺

普樂寺

安遠廟

普陀宗乘廟

殊像寺千總各一人副千總各一人

普寧寺

須彌福壽廟千總各一人副千總各二人

廣安寺

羅漢堂把總各二人

行宮總管苑副掌總理翊衛各處

行宮及陳設稽察之政令千總副千總把總掌典守陳設稽
查內圍董率掃除之事熱河總管康熙四十二年設苑副
乾隆三十五年設各處千總康熙四十一年以來陸續增
設

養鷹鷄處管理事務三人

以王公 御前大 臣侍衛等官管理

協辦事務兼鷹

上統領二人

副都統一人 二等侍衛一人

藍翎侍衛頭領五人六品職銜副

頭領五人筆帖式三人內養狗處頭目二人

兼三等侍衛一人 兼藍翎侍衛一人

副頭目二人外養狗處頭目六人副頭目六人筆帖式三人

掌飼養鷹狗隨園進哨以供蒐畋之事

國初設立鷹房鴉房乾隆十一年改為養鷹處養鴉房處
三十七年裁養鴉房處其員額轉補鷹上養狗處員額

國初定

慎刑司郎中二人員外郎四人主事一人委署主事一人筆帖
式二十人

掌府屬刑名審讞定擬之事凡審擬罪案皆依刑部律例
其有情罪重大者移咨三法司會審題結初名尙方司順
治十二年改為尙方院康熙十六年改定為慎刑司員額
順治以來前後增定

營造司郎中二人員外郎八人主事一人委署主事一人筆帖
式二十六人

掌繕修工作及薪炭陶冶之事所屬有六庫三作曰木庫
司物材曰鐵庫司鑄造鐵器曰器皿庫司藤竹木器曰柴
庫司薪柴曰炭庫司煤炭石灰曰房庫司涼棚席篷鞣麻
曰鐵作司打造鐵器曰花爆作司造烟花爆曰油漆作
司繪堊六庫各設庫掌庫守三作皆設司匠領催皆未入
流惟鐵作司匠給八品虛銜初名惜薪司順治十八年改
爲內工部康熙十六年改定爲營造司初設郎中三人後
裁一人員外郎六人後增二人

官房租庫值年總管內務府大臣一人郎中一人員外郎三人
以各司兼管筆帖式七人庫掌一人

掌內外城官房之租課案月征收以供營造司之用初屬

營造司管理康熙六十二年立租庫各員額乾隆三十六
年以內府大臣值年管理

御書處管理事務大臣一人兼管郎中員外郎無定員監造一
人六品職銜署監造一人庫掌三人七品職銜署庫掌六人筆
帖式二人

掌敬刊

御筆裱搨之事員額康熙四十九年定監造庫掌品級乾隆四
十三年定

武英殿修書處管理事務王大臣一人監造二人庫掌四人署
庫掌六人筆帖式四人

掌繕刻裝潢各館書籍及

宮殿陳設書籍之事員額康熙十九年定監造庫掌品級乾

隆四十二年定設有總裁二人提調二人由總裁於纂修內奏充

修十二人由總裁以翰林院編修檢討庶吉士等官揀派奏充

養心殿造辦處郎中三人員外郎二人主事一人委署主事一

人庫掌六人品六司匠十三人品正八筆帖式十五人

掌造辦供

御物件監督工作管理儲藏之事初設造辦活計處管理事

務無定員乾隆二十四年定設員額

慶豐司郎中一人員外郎八人主事一人委署主事一人筆帖

式十五人廩長十人廩副十九人

掌蕃息牛羊羣收供用考成之事順治初年設內牛圈三

於

西華門外設外牛圈三供乳餅圈一於

南苑設羊圈六於豐臺管理牛隻羊隻各設員外郎三人及

廩長筆帖式等員康熙十六年歸併掌儀司管理二十三

年設慶豐司置郎中二人增置員外郎四人主事一人不

隸內務府雍正元年歸併內務府管理四十年裁郎中一

人員外郎二人

謹案內務府之制以七司各掌府事其餘分建衙門並

鑄給關防印信統轄于總管大臣而不與七司相隸屬

唯是事類相近允宜依次分求如

寧壽宮事務檔冊用廣儲司鈐印監督織造由段庫郎中

察覈內管領之錢糧納銀莊之奏銷皆由會計司辦理

御茶膳房

中正殿

雍和宮管理事務皆掌習禮儀之事而官學藥房附焉官房租庫本由營造司分設

御書處

武英殿修書處

養心殿造辦處均掌

南內廷書籍典冊修造之事茲並遵

大清會典成例以類序次唯內三旗護軍營

圓明園護軍營暨各

行宮千總會典序官別著于武職篇而奉行則例仍載于

都虞司卷中以府屬武職陞遷諸事均隸都虞司也茲

竝從類敘于七司之後至府屬之三院則別自爲篇焉

歷代建置

謹案曲禮載殷制先五官次六府此府名之所由起周

官冢宰之屬有內府內宰此內務之名之所由起詳攷

冢宰之屬以宮禁親近之職爲首重故宮正宮伯以掌

宿衛膳夫至冢人以掌飲食宮人幕人以掌寢處大府

至外府以掌蓄藏司會至職幣以掌會計而內宰以下

則皆綜理內職闈豎闈寺婦職女功無不司之于是自

王及后世子之飲食服用以至宮闈內外親近人主左

右者一舉而歸之冢宰所以肅正紀綱而無逢迎消蝕之弊自西漢時猶遵成周遺意中書宦者盡屬少府凡服御之職必選經明行修者爲之而統攝之以丞相御史至東漢時始多用宦官分主飲膳服飾而古意漸失隋唐以後立內侍省人主起居飲食之重不揆之大臣任之士人而悉委之於奄豎其弊始益滋矣至供御之官列代變更分合之故猶可詳攷蓋漢立少府水衡專主天子之奉養東漢則并水衡於少府而三國晉宋以後因之自曹魏始立殿中監以後代有其職蕭梁始立太府卿以掌庫藏而陳因之少府始專主工作之事北魏又廢少府專立太府而殿中監則仍其舊北齊以殿

中監之六局改隸于門下省後周做成周以制官奉御諸職多在天官冬官中隋初立門下省太府卿煬帝改設殿內省復分立少府而內侍省之統轄漸廣唐之殿中內侍二省太府少府二卿與隋制不大相殊而宦官任重至侵將相之權矣宋立宣徽院爲親近之職而漢少府之事仍領于二省二卿遼北面有御帳著帳諸官南面則仍唐制金有太府少府無殿中監而有殿前都點檢司其內侍不別立省盡隸之宣徽院中法意最爲近古至明代而諸職盡去唯立宦官二十四衙門禁近要務唯有奄豎得專制之而古意于是盡失不獨成周良法無可追溯卽漢唐少府之制亦無復存焉者矣恭

惟

聖朝龍興之始，勅立內務府，以鑲黃、正黃、正白三旗親近之，臣專司其事。

定鼎以來，初亦設十三衙門，以內監供職。順治十二年六月，監於前代內豎擅權之弊。

命立鐵牌，嚴切申諭，永遠禁革，仍立內務府。

特簡內大臣爲總管，七司三院，綱紀肅而職掌昭。內侍職制，則惟使之供給洒掃之役，毋得任事，而亦皆統攝于總管大臣，蓋至。

聖朝而周漢之制，盡復法度之精詳，規模之宏遠，尤爲超越。萬古今詳攷列代職官之近于內務府者，分繫篇中而

總括其沿革之大概于此，其內監職制執掌亦附著卷後，不復別爲一篇焉。

三代

禮記曲禮：天子之六府曰司土、司木、司水、司草、司器、司貨。典司六職，鄭康成注：府主藏六物之稅，此亦殷時制也。周則皆屬司徒。

謹案六府之制，見于殷時，以主六物之儲藏。鄭注謂周屬司徒，蓋如今戶部之三庫，但殷五官既有司徒，而復別設六府，則在殷時固不爲司徒之掌，而與今之內務府相近矣。故與戶部三庫篇互見焉。

尚書立政：虎賁、綴衣、趣馬、小尹、左右攜僕、百司、庶府、孔安。

國傳綴衣掌衣服左右攜持器物之僕百官有司主券契
藏吏蔡沈集傳此侍御之官也小尹小官之長攜僕攜持
僕御之人百司若司裘司服庶府若內府太府之屬

謹案尙書立政有百司庶府又有表臣百司蓋表者對
裏之稱內百司謂裏臣外百司謂表臣也立政稱文武
克俊有德三事而外必首及于綴衣趣馬之屬其後周
公制禮以宮禁之職首屬冢宰有由來已

國朝初定內務府與成周百司庶府之義千載合揆今列
尙書立政文于卷首而周禮諸職則以次分列于後

周禮天官宮正上士二人中士四人下士八人府二人史
四人胥四人徒四十人掌王宮之戒令糾禁以時比宮中

之官府次舍之眾寡爲之版以待夕擊柝而比之國有故
則令宿其比亦如之辨內外而時禁稽其功緒糾其德行
幾其出入均其稍食去其淫怠與其奇袤之民會其什伍
而敎之道藝月終則會其稍食歲終則會其行事凡邦之
大事令于王宮之官府次舍無去守而聽政令春秋以木
鐸修火禁凡邦之事蹕宮中廟中則執燭鄭康成注宮正
主宮中官之長。宮伯中士二人下士四人府一人史二
人胥二人徒二十人掌王宮之士庶子凡在版者掌其政
令行其秩敘作其徒役之事授八次八舍之職事若邦有
大事作宮眾則令之月終則均秩歲終則均敘以時頒其
衣裘掌其誅賞

謹案成周官制凡王之服御飲食燕好賜予皆分設官職而統屬於太宰所以合官府爲一體也宮正爲王宮官之長掌比宮中之官府宮伯掌王宮之士庶子此在今時爲內務府大臣及領侍衛大臣之職其所以秩止於上士中士下士者則以冢宰統臨於上而諸官爲專司故不疑其秩之輕也內務府大臣職任優重實爲周冢宰之所統而宮正宮伯則職掌專焉故與領侍衛篇互見而攷證其說於此

周禮天官太府下大夫二人上士四人下士八人掌九貢九賦九功之貳以受其貨賄之入頒其貨於受藏之府頒其賄於受用之府凡式貢之餘財以共玩好之用○王府

上士二人中士四人掌王之金玉玩好兵器凡良貨賄之藏共王之服玉佩玉珠玉王齊則共食玉掌王之燕衣服衽席牀第凡藝器若合諸侯則共珠槃玉敦凡王之獻金玉兵器文織良貨賄之物受而藏之凡王之好賜共其貨賄○內府中士二人掌受九貢九賦九功之貨賄良兵良器以待邦之大用凡四方之幣獻之金玉齒革兵器凡良貨賄入焉凡適四方使者共其所受之物而奉之凡王及冢宰之好賜予則共之○司裘中士二人下士四人掌爲大裘以共王祀天之服○掌皮下士四人掌秋斂皮冬斂革春獻之遂以式法頒皮革于百工共其毳毛爲氈以待邦事歲終則會其財齎○典婦功中士二人下士四人掌

婦式之法以其王及后之用頒之于內府○典絲掌絲入而辨其物以其賈楬之○典枲下士二人掌布總縷紵之麻草之物以待時頒功而授齋

周禮春官天府上士一人中士二人掌祖廟之守藏與其禁令凡國之玉鎮大寶器藏焉若有大祭則出陳之既事藏之

荀子大略篇不知而問堯舜無有而求天府先王之道則堯舜矣六貳之博則天府矣註求財于六貳之博得之不窮故曰天府天府天之府藏

謹案太府掌貢賦貨賄爲今戶部三庫之職其式貢餘財以共玩好則內府之廣儲實兼其任至玉府受藏金

玉兵器文織良貨賄以共王之好賜內府其王及冢宰之好賜予天府藏國之玉鎮大寶器則正爲今廣儲司之職而司裘掌皮典絲典枲亦如六庫之各分其事也周禮天官職內上士二人中士四人掌邦之賦入辨其財用之物而執其總凡受財者受其貳令而書之○職歲上士四人中士八人掌邦之賦出凡上之賜予以敘與職幣而受之○職幣上士二人中士四人振掌事者之餘財皆辨其物而奠其錄以書楬之以詔上之小用賜予○司會中大夫二人下大夫四人上士八人中士十有六人○司書上士二人中士四人凡上之用財用必攷于司會○宮人中士四人下士八人掌王之六寢之修共王之沐浴凡

寢中之事掃除執燭共鑪炭凡勞事

謹案天官司會司書不專為內府之職而上之用財用必攷于司會則宮中會計實兼理之職內掌受財之政令職幣詔上之小用賜予而職歲掌其賦出今內府儲藏出入皆由會計司稽核而總受其要其職固相等也宮人有中士下士寢處沐浴掃除皆其職掌則與今之內管領副內管領之任尤相合矣

周禮天官內宰下大夫二人上士四人中士八人掌書版圖之法以治王內之政令均其稍食分其人民以居之

謂宮中閭寺之屬及其子弟錄籍也圖王及后世子之宮中吏官府之形象也政令謂施閭寺者稍食吏祿稟也人民吏子弟分之使眾者就寡均宿衛歲終則會內人之稍食稽其功事比其

小大與其麤良而賞罰之會內宮之財用

周禮夏官小臣上士四人掌王之小命詔相王之小法儀正王之燕服位王之燕出入則前驅

周禮天官膳夫上士二人中士四人下士八人掌王之食飲膳羞以養王及后世子○庖人中士四人下士八人賈

八人注賈主市買知事價掌共六畜六獸六禽辨其名物凡其死生蠶薨之物以共王之膳與其薦羞之物及后世子之膳羞

○內饗中士四人下士八人掌王及后世子膳羞之割烹煎和之事○亨人下士四人掌共鼎鑊以給水火之齊

謹案宮中禮儀掌于內宰而詔相王之小法儀則夏官小臣主之今內務府掌儀司專掌宮中之儀法正其職

也內宰詔相禮儀之外又掌書宮中版圖之法以治王內之政令歲終會內人之稍食稽其功事會內官之財用蓋兼有總管大臣及會計司之職故秩爲下大夫其任較重唯以服位禮事贊相專司與掌儀司尤爲相合故附證其說于此天官之膳夫庖人內饗亨人皆掌王及后世子之膳羞亦與今

御茶膳房之職爲相合故與光祿寺篇互見焉

周禮天官甸師下士二人共野果蓏之獻帥其徒以薪蒸役外內饗之事○腊人下士四人掌乾肉凡田獸之脯腊膾臠之事

周禮地官廩人中士二人下士四人凡屠者斂其皮角筋

骨入于玉府凡珍異之有滯者斂而入于膳府○澤虞掌國澤之政令爲之厲禁使其地之人守其財物以時入之于玉府頒其餘于萬民○迹人中士四人下士八人掌邦田之地政而爲之厲禁以守之○角人下士二人掌以時徵齒角凡骨物于山澤之農○羽人下士二人掌以時徵羽翮之政于山澤之農○掌炭下士二人掌炭物灰物之徵令以時入之

謹案都虞司職司採捕供應畋漁天官之甸師腊人正其職掌地官山林川澤皆有虞衡而分主各處山川不歸統理惟澤虞掌國澤之禁令入財物于玉府與都虞司相近其自廩人以至掌炭亦皆都虞司之所有事也

周禮天官小宰之職掌建邦之宮刑以治王宮之政令凡宮之糾禁

謹案周刑法掌于秋官而內府之刑未聞有別置之官唯小宰掌建邦之宮刑宮禁鄭康成以爲在王宮中者之刑則今內務府慎刑司之所由始也

周禮攷工記凡攻木之工七攻金之工六攻皮之工五設色之工五刮摩之工五搏埴之工二○匠人營國王宮門阿之制五雉宮隅之制七雉城隅之制九雉

謹案周禮缺冬官攷工記之所載者未盡爲營造之職今採錄匠人營繕王宮之法式及諸工總名以著其槩餘竝見工部篇不具錄焉

周禮地官牧人下士六人掌牧六牲而阜蕃其物以共祭祀之牲牷注六牲謂牛馬羊豕犬雞○牛人中士二人下士四人掌養

國之公牛以待國之政令

周禮夏官羊人下士一人掌羊牲若牧人無牲則受布于司馬使其賈買牲而共之

謹案孳畜之政自古重之故宣王考牧著於小雅牲牷肥腍見于春秋周禮之牧人牛人羊人實爲今慶豐司之所由始其分屬地官夏官者蓋一以牧地爲屬一以受布于司馬爲屬不必如孔疏所云牛爲土畜羊爲金畜穿鑿而爲之說也

秦

漢書百官公卿表少府秦官

冊府元龜秦少府掌山海地澤之稅少府之立自此始也杜佑通典秦置六尚謂尙冠尙衣尙食尙沐尙席尙書若今殿中之任○秦有御府令丞掌供御服而屬少府○掖庭局令秦置永巷○秦置尙方令○秦有將作少府○秦犧廩令丞掌犧牲雁鶩

王應麟玉海少府秦官章邯為之

謹案秦立少府之官凡供御諸職多為所領故六尙如今內管領之職御府令如今廣儲司掖庭局令如今慎刑司尙方令則兼有廣儲及武備院之任將作少府如今營造司唯犧廩令丞屬內史及左馮翊而犧牲雁鶩

則又兼有都虞慶豐二司之掌秦法疏略史志不詳以漢後所承襲者推之其大概亦可攷見今摭錄通典所載以著其崖略焉

漢

漢書百官公卿表少府秦官掌山海地澤之稅以給共養

應劭曰名曰禁錢以給私養自別為藏少者小也故稱少府師古曰大司農供軍國之用少府以養天子也有

六丞屬官有尙書符節太醫太官湯官導官樂府若盧攷

工室左弋居室甘泉居室左右司空東織西織東園匠十

六官令丞服虔曰若盧詔獄也鄧展曰舊洛陽兩獄一名若盧主受親戚婦女如清日若盧官名也藏兵器

器品令曰若盧郎中二十人主弩射漢儀注有若盧獄令主治庫兵將相大臣臣瓚日冬官為攷工主作器械也師古曰太官主膳食湯官主餅餌導官主擇米若盧如說是也左弋地名東園匠主作陵內器物者也又胞人

都水均官三長丞

師古曰胞人主宰宰割者也胞與庖同

又中書謁者黃門

鈎盾尚方御府永巷內者宦者八官令丞

師古曰鈎盾主近苑園尚方主

作禁器物御府主天子衣服也禁中在黃門之內給事者也

諸僕射署長中黃門皆屬焉師古曰中黃門謂奄人居

為飲飛居室為保宮甘泉居室為昆臺永巷為掖庭飲飛

掌弋射有九丞兩尉太官七丞昆臺五丞樂府三丞掖庭

八丞宦者七丞鈎盾五丞兩尉成帝河平元年省東織更

名西織為織室

謹案漢承秦制立少府以供養宮禁位列九卿凡諸奉

御之職無所不統今以漢百官表所載詳繹之今內府

七司諸官蓋皆有其職焉如御府尚方東織西織是廣

儲司之掌尚書內者諸僕射署是會計司及內管領之

掌中書謁者與掌儀相近而太官胞人則如今之內茶

膳房也左弋飲飛掌弋射都水鈎盾主苑園近於都虞

司之掌也服虔鄧展以若盧為詔獄如淳以為藏兵器

而漢儀注則云有若盧獄令主治庫兵是一官而兼兩

職蓋如慎刑司及武備院之兼職也攷工室左右司空

東園匠如今之營造司而尚方令又如今之造辦處也

惟慶豐所掌未見于少府之屬蓋太官所兼掌耳漢代

少府之官多以高儒舊德為之而宦者黃門亦皆歸于

統屬其法意最為近古今載漢表原文而為之疏證如

此其他可為佐證者並分載于後

史記平準書山海天地之藏也皆宜屬少府索隱韋昭云少府天子私

所給賜經用也公用屬大司農

急就篇司農少府國之淵顏師古注司農領天下錢穀以供國之常用少府管池澤之稅及關市之資以供天子少者小也府者聚也財物所聚也非郊廟兵戎大用故謂之少府司此二者百物在焉故以深泉為喻也

應劭風俗通少府水衡為天子內藏

荀悅漢紀孝成帝紀罷少府技巧官

王應麟漢制攷職內注職內主入也若今之泉所入謂之少內疏漢之少內亦主泉所入案王氏漢官解云小官嗇夫各擅其職謂倉庫少內嗇夫之屬各自擅其條理所職

主由此言之少內藏聚似今之少府但官卑職碎以少為名丙吉傳少內嗇夫白吉日食皇孫亡詔令注云少內掖庭主府藏之官也

謹案少內當為今會計司之職

玉海周王府內府猶秦漢少府也

謹案後漢紀正月朔旦驃騎將軍蒼應奉璧入賀故事少府給璧陰就驕貴吏傲不奉法求璧不可得蒼坐朝堂漏且盡而璧不至不知所為顧謂掾屬曰若之何朱暉望少府主簿持璧即往給之曰我聞璧而未曾見試觀之主簿以璧授暉暉顧召令史奉之主簿驚曰少府當以朝暉叱之日將歸暉獨不朝也據此則漢之少府

乃兼內府玉府之職

古今攷九曰少府掌山海地澤之稅以給其養東萊謂治粟內史所掌穀貨供軍國之用少府名曰禁錢以給天子私自別爲臧少者小也屬官最多有六丞當皆稱少府丞而尙書侍郎以下十二官令丞屬焉而尙書之名後世以爲王之一省六部從官之長東萊又謂少府吏四人在殿中主發書謂之尙書其後遂以爲官置令丞屬焉然漢之尙書令尙書丞微官耳少府之屬吏也後世尙書令尙書左右丞六部尙書乃宰相侍從也又胞人三長丞又上林中十池監又中書謁者黃門鈎盾而下內省官者七官令丞諸僕射署長中黃門皆屬焉而中書令中書丞亦少府之微官而後世中書令爲一品之極郭子儀書二十四考至有奪我鳳凰池之恨前代小官後世用以爲大官世故之變豈有極哉表書小官吏因革不一不足書王莽改曰共工

謹案洪适隸釋魯相史丞祠孔廟奏銘題後謂上尙書者郡國異于朝廷不敢直達于帝所因尙書以聞故樊毅復華氏下民祖田口算碑以太守奏事均云上尙書也然無極山碑以太常卿丞奏事亦云上尙書又蔡質漢官典儀列司隸城門校尉上尙書式及謁者上尙書式則內而九卿謁者凡奏亦皆上尙書以達于帝不獨國相太守也惟孔子廟置卒史碑云魯相奏記司徒司

空府不云上尙書然司徒司空府亦必由尙書以達于
帝無極山碑載常山相馮巡以三公山請雨事聞于太
常太常爲馮巡上其事亦必由尙書是其例蓋漢丞相
御史謂之外朝不可至內廷故置尙書掌四方章奏報
告事少府屬官首列尙書特重其職也漢書霍光傳尙
書令讀奏黃霸傳尙書令受丞相對是雖丞相九卿必
由尙書入奏也又攷漢紀張湯子安世少爲郎給事中
尙書上方幸河東亡書三篋詔問莫能知惟安世知之
具作其事後購得本書以校無所遺失通典謂掌圖書
祕記章奏之事卽謂此也且不特主章奏卽凡徵召詰
對之事亦無不詣尙書漢書光武紀時太原王霸北海

逢萌亦隱居養志霸到尙書拜不稱臣章帝紀匈奴新
降召太尉鮑昱謁尙書使封降胡檄桓帝紀太常楊秉
奏中常侍侯賢等請免官理罪奏入尙書詰秉秉對尙
書不能詰靈帝紀陳蕃起兵將官屬諸生八十人至承
明門使不內蕃曰云云使者出開門蕃到尙書門正色
曰云云蓋尙書初主受奏御而已其後遂專出納之命
故其權浸重至章帝時太傅太尉錄尙書事和帝時太
傅錄尙書事位在三公上與少府所屬之尙書迴相懸
絕矣

馬永卿嬾真子前漢百官公卿表少府之屬官凡五十餘
人有導官掌米穀以奉至尊然學者多疑導字之義僕攷

唐百官志導官令掌導擇米麥凡九穀皆隨精麤攷其耗損而供然漢導字下從寸唐導字下從禾今案韻略瑞禾一莖六穗謂之導恐唐以瑞禾名官也僕嘗以此問舅氏笑云此蓋讀司馬長卿封禪書誤耳書云導一莖六穗于庖注云導擇也一莖六穗謂加禾之米也後人誤以瑞禾為導遂併官名失之可一笑也

謹案導官主擇米穀以供至尊則今尚膳正之職也

又見戶部篇內倉條

顏師古漢書注李斐曰齊國舊有三服之官春獻冠幘繼為首服紈素為冬服輕綃為夏服凡三

急就篇齊國給獻素繒帛注齊有三服官貢禹言故時齊

三服官輸物不過十笥

謹案漢官既有東織西織供天子服御而又有三服官主作首服冬服夏服以給袞龍之用於齊設之今內務府所轄有江寧蘇州杭州三織造官正漢三服官之遺制也

漢書注水衡都尉應劭曰古山林之官曰衡掌諸池苑故曰水衡張晏曰主都水及上林苑故曰水衡主諸官故曰都有卒徒武事故曰尉師古曰衡平也主平其稅入

玉海楊得意為狗監李延年給事狗監中

謹案漢水衡都尉之職掌上林苑與今之奉宸苑相合惟所領之官自卒徒武事又兼主漁畋之政今都虞司

辦理內府武職陞遷兼供應漁獵之事其職亦為相近故既入於奉宸苑篇而節錄注文于此至漢有狗監則與今之養鷹狗處事務亦相等也

風俗通掖庭有獄令丞又暴室丞宮人獄也一作薄室三輔黃圖永巷永長也宮中之長巷幽閉宮女之有罪者武帝時改為掖庭置獄焉

謹案成帝紀上使御史收劉輔繫掖廷祕獄後以辛慶忌廉褒師丹谷永上書乃徙繫攷工獄攷工獄亦近中禁然比之掖庭獄則又有中外之殊矣移繫攷工其案治或稍輕歟

史記景帝本紀中六年四月置左右內官屬大內

漢書東方朔傳內官有獄

漢書王商傳左將軍諸召王商詣若盧詔獄注孟康曰黃門北寺也

謹案宮中慎刑之職自掖庭而外列代不詳惟漢書若盧獄令黃門北寺詔獄皆屬少府內官有獄其初亦屬少府最為近之又攷後漢紀桓帝紀白馬令李雲上書移副三府云云上得雲書大怒送雲黃門北寺使中常侍管霸與御史廷尉雜攷之然則漢時外庭庶官亦間繫黃門北寺蓋黃門北寺獄之近中禁者桓帝怒雲欲加嚴讞故特於祕獄治之非常例也

史記平準書卜式不願為郎上曰吾有羊上林中欲令子

牧之式乃拜爲郎布衣屬而收羊歲餘羊肥息

謹案史記言卜式拜爲郎牧羊上林苑中是漢時慶豐之職亦上林苑之所有事也今故採錄之以見其概

周禮圉人牧百獸鄭康成注備養眾物也今掖庭有鳥獸自熊虎孔雀至于狐狸鳧鶴備焉

三輔黃圖少府飲飛外池漢儀注飲飛具繒繳以射鳧雁給祭祀故有池

後漢書百官志少府卿一人中二千石本注曰掌中服御諸物衣服寶貨珍膳之屬丞一人比千石太醫令一人六百石本注曰掌諸醫藥丞方丞各一人本注曰藥丞主藥方丞主藥方太官令一人六百石本注曰掌御飲食左丞

甘丞湯官丞果丞各一人本注曰左丞主飲食甘丞主膳具湯官丞主酒果丞主果守宮令一人六百石本注曰主御紙筆墨及尙書財用物及封泥丞一人掖庭令一人六百石本注曰宦者掌後宮貴人采女事左右丞暴室丞各一人本注曰宦者暴室丞主中婦人疾病者就此室治其皇后貴人有罪亦就此室御府令一人六百石本注曰宦者典宮婢作中衣服及補浣之屬丞織室丞各一人本注曰宦者祠祀令一人典中諸小祠祀丞一人本注曰宦者中藏府令一人六百石本注曰掌中幣帛金銀諸貨物丞一人尙方令一人六百石本注曰掌上工作御刀劍諸好器物丞一人○孝武帝初置水衡都尉秩比二千石別

主上林苑世祖省之并其職于少府每立秋驅劉之日輒
暫置水衡都尉事訖乃罷之

南都賦水衡虞人修其營表

後漢書桓帝本紀建和元年芝草生中黃藏府注漢官儀日中黃藏

府掌中幣帛金銀諸貨物

後漢書和帝本紀永元九年十二月復置若盧獄官

謹案東漢光武併省少府禁錢一以歸之司農故少府
官屬裁省過半至水衡都尉則廢去不設唯驅劉之日
暫置旋罷然其季世乃轉有開邸鬻爵斂而入私藏者
蓋宮掖之費必不能去而欲盡黜少府之儲藏勢不可
久行也至前漢侍御皆用士人東漢始多以宦者為之

古意亦漸失矣東漢之祠祀令典中諸小祠祀與今掌
儀司之職相近故竝著之

三國

冊府元龜魏之九卿竝與漢同又有殿中監一人品第七
殿中之名自此始也掌張設監護之事有殿中奉乘郎從五品下

三國魏志王觀傳王觀為少府統三尚方御府內藏玩弄
之物

魏文帝集讓禪表謹拜章陳情使行相國永壽少府糞土
臣毛宗奏竝上璽綬

玉海少府魏王觀楊阜常林管輅為丞

通典魏官第三品九卿第六品水衡典虞第七品殿中監

諸卿尹丞尙藥監尙食監大農監第九品殿中監掌事
〔通典〕後漢少府有中藏府令丞魏氏因之○漢末分尙方
爲左中右三尙方魏晉因之
魏文帝集張登爲大官令詔登忠義彰著在職功勤名位
雖卑直亮宜顯饗膳近在當得此吏今以登爲大官令
謹案三國魏少府列于九卿其所統屬竝同後漢而始
定爲第三品之級又設有殿中監以司親近供御之職
其品頗微其官則爲後代殿中之所自始矣至漢有水
衡都尉主上林苑竝主禁錢魏仍其名而所主者天下
舟船河渠之政其後遂易爲都水使者與漢職不同今
不復載焉

晉

〔晉書職官志〕少府統材官校尉中左右三尙方中黃左右
藏左校甄官平準奚官等令左校坊鄴中黃左右藏油官
等丞及渡江哀帝省并丹陽尹孝武復置自渡江唯置一
尙方又省御府

〔通典〕晉治令掌工徒鼓鑄隸衛尉江左以來省衛尉始隸
少府○晉有左右藏令隸少府

謹案晉傳中丞集劾夏侯承奏少府夏侯承取官田立
私屋近小人委以家計令工匠竊盜官物附益於私其
謂令工匠竊盜官物卽通典所云掌令工徒鼓鑄之類
是也謂取官田立私屋則晉之少府所掌亦當如漢表

所云兼地澤之稅矣

〔晉書職官志〕光祿勳統東園匠太官御府守宮黃門掖庭清商華林園暴室等令哀帝興寧二年省光祿勳并司徒孝武寧康元年復立

〔通典〕守宮令丞晉屬光祿勳○魏置殿中監晉因之

謹案晉承魏制立少府以統諸署而太官御府諸職又分隸於光祿勳攷光祿勳在秦爲郎中令漢始易爲光祿勳所掌宿衛諸郎如今領侍衛大臣之比而晉分少府屬官以隸之者以其官居禁中職守相近故也至哀帝省少府而併於丹陽尹省光祿勳而併於司徒其後復仍立之蓋裁省不一而職掌所在大槩則固相同也

宋齊梁陳

〔宋書百官志〕少府一人丞一人掌市服御之物左尙方令丞各一人右尙方令丞各一人竝掌造軍器晉江右有中尙方左尙方右尙方江左以來唯一尙方宋高祖踐祚以相府部配臺謂之左尙方而本署謂之右尙方焉又以相府細作配臺卽其名置令一人丞二人隸門下世祖大明中改曰御府置令一人丞一人御府二漢世典官婢作褻衣服補浣之事後廢帝初省御府置中署隸右尙方漢東京太僕屬官有攷工令主兵器尙方令唯主作御刀綬劍諸玩好器物而已然則攷工令如今尙方尙方令如今中署矣

通典殿中監晉宋竝同○宋少府領左右尚方御府東冶南冶平準等令丞

謹案宋少府殿中監之制視魏晉多從簡省其尚方令主作兵器而御府及中署之以細作配臺特置者亦隸右尚方則宮中工作固其兼職非專以武器爲任故列代尚方官既見于此而武備院篇亦從互見焉

南齊書百官志少府府置丞一人領官如左○左右尚方令各一人丞一人鍛署丞一人永明三年省四年復置御府令一人丞一人東冶令一人丞一人南冶令一人丞一人平準令一人丞一人○尚書令內外殿中監一人

謹案齊制與宋多同唯尚書令之殿中有內外監之名

爲宋所未有宋置御府後改中署而齊則仍曰左右尚方此爲少異耳

隋書百官志梁初猶依宋齊皆無卿名天監七年加置太府卿以少府爲少府卿是爲夏卿○太府卿位視宗正掌金帛府帑統左右藏令上庫○少府卿位視尚書左丞置材官將軍左右中尚方甄官平水署置南塘邸稅庫東西冶中黃細作炭庫紙官柴署等令丞○光祿卿統守宮黃門華林園暴室等令

通典太府卿歷代不置然其職在司農少府至梁天監七年始置○梁官三品曹位殿中外監上庫令細作令作堂金銀局丞三品勳位殿中內監左尚方五丞右尚方四丞

玉海梁始置太府卿掌府庫少府專爲供服御之官

隋書百官志陳太府卿少府卿品並第三

謹案梁置太府卿掌金帛府帑蓋分少府所掌而別爲置官此後代太府之所由起也左右尚方諸令屬于少府猶與古同而名之爲卿亦自梁始守宮暴室諸令屬于光祿制與晉同皆爲漢少府之職至殿中監有內外之分而以三品曹位勳位分隸之不入諸班之次亦與列代爲少異陳官並用梁制其史文之脫略者不復詳焉

後魏

魏書官氏志初置左右近侍之職無常員或至百數侍直

禁中傳宣詔命皆取諸部大人及豪族良家子弟儀貌端嚴機辯才幹者應選又置內侍長四人主顧問拾遺應對若今之侍中散騎常侍也置都統長又置幢將及外朝大人官其都統長領殿內之兵直王宮幢將員六人主三郎衛士直宿禁中者自侍中已下中散已上皆統之外朝大人無常員主受詔命外使出入禁中國有大喪大禮皆與參知隨所典焉少府第三品上中黃門令內署令第四品中掖庭監從第五品上諸局監水衡都尉從第五品中嘗藥監殿中監從第五品下諸宮門僕從六品中世宗班行職令太府卿第三品太府少卿第四品諸署令千石以上者從第八品諸署令六百石以上者第九品諸署令不滿

六百石者從第九品

冊府元龜後魏殿中監從五品下又有掌服郎從六品上又分太官令尙食中尙食掌知御膳尙食門下省領之中尙食集書省領之

通典後魏太和中改少府爲太府卿兼有少卿掌財物庫藏

洛陽伽藍記建春門內御道南有勾盾典農籍田三署

謹案後魏初官制未備其後有少府殿中監之職而殿中品秩視晉宋爲較隆太和中改少府爲太府置卿及少卿其所屬之官有諸署令千石以上六百石上下之分而史志統言諸署其所掌之爲何署亦莫得而詳也

魏又有水衡都尉與河隄使者竝列蓋亦主水之官與漢之兼掌禁錢者又不同矣

北齊

隋書百官志後齊制太府寺掌金帛府庫營造器物統左中右三尙方左藏司染諸治東西道署黃藏右藏細作左校甄官等署令丞左尙方又別領別局樂器器作三局丞中尙方又別領別局涇州絲局雍州絲局定州紬綾局四局丞右尙方又別領別局丞司染署又別領京坊河東信都三局丞諸治東道又別領溢口武安白間三局丞諸治西道又別領晉陽冶泉郡大邠原仇四局丞甄官署又別領石窟丞○門下省掌獻納諫正及司進御之職侍中給

事黃門侍郎各六人錄事四人通事令史主事令史八人

統局六領左右局領左右各二人掌知朱華閣內諸事宣傳已下白衣齋子已上

皆主左右直長四人尙食局典御二人總知御膳事丞監各四

人尙藥局典御及丞各二人總知御藥事侍御師尙樂監各四

人主衣局都統子統各二人掌御衣服玩等事齋帥局齋帥四人

掌鋪設酒掃事殿中局殿中監四人掌駕前奏引行事制請修補東耕則進耒耜中侍

中省掌出入門閣中侍中二人中常侍中給事中各四人

又有中尙藥典御及丞并中謁者僕射各二人中尙食局

典御丞各二人監四人內謁者局統丞各二人

通典北齊官第三品太府卿第四品太府少卿第五品主

衣都統尙食尙藥典御從五品中尙食中尙藥典御從六

品中尙食中尙藥等丞從八品鈎盾左右尙方左藏掖庭

東西牛羊司諸署合正九品細作署令

謹案北齊官承魏制不設少府而以太府寺及門下省

分統其職其殿中監為門下省之所統屬六局中尙藥

尙食典御又為中侍中省之所分隸與前代之制作異

而職守固有在也至所設涇州雍州定州諸絲綾局即

漢三服官之遺意與今之織造監督為相近焉

後周

通典後周官正五命天官左宮伯主膳太府計部等中大

夫冬官司木司土司金司水等中大夫正四命天官小左

宮伯小膳部小計部等下大夫冬官小司木小司土小司

職官表卷三十一
金小司水司玉司皮司織司卉等下大夫正三命天官小
右宮伯掌式小膳部內膳太府玉府內府縫工小計部等
上士夏官典牝典牡等上士冬官內匠掌材小司木小司
土小司金小司水小司玉小司皮小司織小司卉等上士
正二命天官司服掌式內膳典庖玉府內府縫工等中士
夏官典牝典牡典駝典羊等中士冬官內匠掌材等中士
正一命夏官典駝典羊等下士

謹案後周做成周之典以制官漢晉以來諸官名皆廢
而不用至其職掌則固無大殊者今摭錄通典天官冬
官各條以存其概其後此改更之制則不可復攷焉

隋

隋書百官志門下省統城門尙食尙藥符璽御府殿內等
六局尙食局典御二人直長四人食醫四人尙藥局典御
二人侍御醫直長各四人御師四十人符璽御府殿內局
監各二人直長各四人○內侍省領內尙食掖庭宮闈奚
官內僕內府等局○太府寺統左藏左尙方內尙方右尙
方司染右藏黃藏掌冶甄官等署各置令丞等員○煬帝
卽位多所改革分門下太僕二司取殿內監名以爲殿內
省分太府寺爲少府監殿內省置監少監丞各一人掌諸
供奉統尙食尙藥尙衣尙舍尙乘尙輦等六局各置奉御
二人皆置直長以貳之尙衣卽舊御府也改名之○少府
監置監少監各一人丞二人統左尙右尙內尙司織司染

職官表卷三十一
鑿甲弓弩掌冶等署復改監少監爲令少令
通典宮闈局令隋置令掌宮內門閣之禁及出納神主并
內給使名帳糧廩事

謹案隋高祖改周之六官仍以門下省太府寺分統供
御之職而掖庭內府等局則屬之內侍省蓋與齊之制
相爲彷彿至煬帝更官制分門下省以爲殿內省所統
六局仍由殿內以隸于門下蓋徒見更革之繁而法制
亦無大異耳殿中之爲殿內以避武元皇帝嫌名而改
也自梁立太府而少府之所掌遂分至魏齊專立太府
而少府之官遂廢隋初所設猶承其制迨煬帝立少府
置監置令于是太府所掌遂止于諸市平準左右藏諸
署而不與供御之職相關矣宮闈局令始置于隋所掌
宮內門閣并內使名帳廩膳蓋與今之內管領亦爲相
近也

欽定歷代職官表卷三十七

太倉錢清貽初校
江陰陳名慎覆校
番禺陶福祥再覆校

欽定歷代職官表卷三十八

內務府下

歷代建置

唐

唐書百官志殿中省監一人從三品少監二人從四品上

丞二人從五品上監掌天子服御之事其屬有六局曰尚

食尚藥尚衣尚乘尚舍尚輦少監為之貳武德元年改殿

龍朔二年日中御府監日大監丞日大夫有令史四人書

令史十二人左右仗千牛各十人掌固亭長各八人舊有

天藏府開元尚食局奉御二人正五品下直長五人正七

品上諸奉御直長品皆如之食醫八人正九品下奉御掌

儲供直長為之貳進御必辨時禁先嘗之饗百官賓客則

與光祿視品秩而供凡諸陵月享視膳乃獻龍朔二年改尚食局日奉

膳局諸局奉御皆日大夫有書令史二人書吏五人主食十六人主膳八百四十人掌固八人尚藥局奉

御二人直長二人掌和御藥診視凡藥供御中書門下長

官及諸衛上將軍各一人與監奉御涖之藥成醫佐以上

先嘗疏本方具歲月日涖者署奏餌自奉御先嘗殿中監

次之皇太子又次之然後進御太常每季閱送上藥還其

朽腐左右羽林軍給藥飛騎萬騎病者頒焉龍朔二年改尚藥局日奉

醫局有按摩師四人呪禁師四人書令史二人書吏四人直官十人主藥十二人藥童三十人合口脂匠二人掌固

四人尚衣局奉御二人直長四人掌供冕服凡案祭祀則奉

鎮圭于監而進于天子大朝會設案龍朔二年改尚衣局日奉冕局有書令史

三人書吏四人主衣十六人掌固四人尚舍局奉御二人直長六人掌殿庭

祭祀張設湯沐燈燭灑掃之事。閑廋使以殿中監承恩

遇者為之押五坊以供時狩一曰鵬坊二曰鶻坊三曰鷩

坊四曰鷹坊五曰狗坊侍御尚醫二人正六品上主事二

人從九品上

謹案唐殿中監領六局其四局為今內務府諸司之職

其尚乘尚輦二局分著於鑾儀衛太僕寺篇中茲不具

列殿中監又有閑廋使與上駟院之職相近惟所領五

坊以供時狩者為今養鷹狗處之制故附著於此

唐書百官志內侍省監二人少監二人。監掌內侍奉宣

制令其屬六局曰掖庭宮闈奚官內僕內府內坊少監內

侍為之貳皇后親蠶則升壇執儀大駕出入為夾引武德四年

職官表卷三十八
改長秋監曰內侍監內承奉曰內常侍內承直曰內給事
龍朔二年改監爲省武后垂拱元年曰司宮臺天寶十三
年置內侍監改內侍內謁者監十人掌儀法宣奏承敕令
曰少監尋更置內侍掖庭局令二人丞三人掌宮人簿帳女工宮闈局令二人
丞二人掌侍宮闈出入管籥奚官局令二人掌奚隸工役
宮官之品內僕局令二人丞二人掌中宮車乘內府局令
二人丞二人掌中藏寶貨給納之數及供燈燭湯沐張設
謹案內侍省之名昉於隋代其職則自秦漢以來卽有
長秋之制惟漢法參用士人至後代則專用奄宦寢失
古意考唐內侍省六局所掌皆今內務府廣儲掌儀諸
司及內管領之職

聖朝慎重職司一不以奄豎參預其事洵超軼前古之制非
隋唐所可幾及矣茲以內侍省官制中頗有近於內務
府者並採附篇內以著前代之得失其列代宦官不盡
著焉

唐書百官志少府監一人從三品少監二人從四品下掌
百工技巧之政總中尙左尙右尙織染掌冶五署及諸冶
鑄錢互市等監供天子器御后妃服飾及郊廟圭玉百官
儀物凡武庫袍襦皆識其輕重乃藏之冬至元日以給衛
士諸州市牛皮角以供用牧畜角筋腦革悉輸焉細鏤之
工教以四年車路樂器之工三年平漫刀稍之工二年矢
鏃竹漆屈柳之工半焉冠冕弁幘之工九月教作者傳家
技四季以令丞試之歲終以監試之皆物勒工名丞六人

從六品下掌判監事給五署所須金石齒革羽毛竹木所入之物各以名數州土爲籍工役眾寡難易有等差而均其勞逸主簿二人從七品下錄事二人從九品上武德初廢監以諸署隸太府寺貞觀元年復置龍朔二年改曰內府監武后垂拱元年曰尙方監有府二十七人史十七人計史三人亭長八人掌固六人短蕃匠五千二十九人綾錦坊巧兒三百六十五人內作使綾匠八十三人掖庭綾匠百五十人內作巧兒四十二人配京中尙署令一人從七品下都諸司諸使雜匠百二十五人丞二人從八品下掌供郊祀圭璧及天子器玩后妃服飾彫文錯綵之制凡金木齒革羽毛任土以時而供歲二月獻牙尺寒食獻毬五月獻綬帶夏至獻雷車七月獻鈿針臘日獻口脂唯筆琴瑟絃月獻金銀暨紙非旨不獻製魚袋以給百官蕃客賜寶鈿帶魚袋則授鴻臚寺丞主簿監

作四人從九品下凡監作皆同品有府九人史十八人典內尙方署日中尙方署武后改少府監曰尙方監而中左右尙方織染方掌治方五署皆去方以避監自是不改矣有金銀掌治署令一人正八品上丞二人正九品上掌范鎔金銀銅鐵及塗飾琉璃玉作銅鐵人得採而官收以稅唯鑼官市邊州不置鐵冶器用所須皆官供凡諸冶成器上數於少府監然後給之監作二人有府六人史十二人典事二十三人掌固人四

冊府元龜哀帝天祐三年敕牛羊司收管御廚羊并乳牛等御廚物料並送河南府收管其牛羊司官使並宜停廢謹案唐少府官制詳於工作而略於儲藏蓋既有太府之左右藏以爲外府復有內侍省之內藏主以中人則

貨賄已有分掌之司無須歸於少府也天寶後設百寶大盈庫皆以中官主之謂之內庫其後又有瓊林大盈延資庫等名焉

五季

舊五代史梁太祖本紀開平元年改御合使爲司膳使

五代會要晉開運三年二月詔少府監今後凡修制親王婚禮法物並冊文出降公主九樹花釵箱奩宜令不得用龍鳳紅條帕

冊府元龜後唐莊宗同光初諸寺監各只置大卿其餘官屬並權停

玉海後唐肅元祚爲少府監

冊府元龜後唐杜紹光爲少府少監天成二年上言當司掌朝服儀仗祭器服兵戈已來散失向盡往例有丞主簿五署令共一十六員自僞梁廢省乞下中書量置丞簿署令分主當局公事○杜憬爲殿中丞天成四年上言以本司法物寄於寺觀請量修公署

玉海晉李錯少帝時爲少府監

冊府元龜後唐莊宗卽位以李紹宏爲宣徽南院使兼掌內勾天下財穀皆委裁遣○孟漢瓊明宗時爲宣徽北院使○晉漢以來宣徽院有內班之名周循其舊而史闕官號

謹案五季官制缺略無足採證今考諸書所載少府令

丞主簿廢於梁時諸卿少卿停於唐代乃至儀仗散失
法物或寄於寺觀其草略可見後唐以宦者爲宣徽使
主天下財穀蓋亦循唐時內庫之制而宣徽之名實首
見於此也

宋

宋史職官志宣徽南院使北院使掌總領內諸司及三班
內侍之籍郊祀朝會宴饗供帳之儀應內外進奉悉檢視
其名物舊制以檢校爲使或領節度及兩使留後闕則樞
密副使一人兼領二使亦有兼樞密副使簽書樞密院者
南院資望比北院頗優然皆通掌止用南院印二使共院
前各設廳事其吏史則有都勾押官各一人前行三人後

行十二人分掌四案一日兵案二日騎案三日倉案四日
胄案故事與參知政事樞密副使同知樞密院事以先後
入敘位熙寧四年詔位參政樞密副同知下著爲令九年詔
今後遇以職事侍殿上或中書樞密院合班問聖體及非
次慶賀並特序二府班官制行罷宣徽院以職事分隸省
寺而使號猶存

謹案宋代樞密宣徽三司使謂之內職而宣徽掌總領
內諸司及三班內侍之職是南北院使正如今內務府
總管之任故錄著於篇中

宋史職官志殿中省監少監監丞各一人監掌供奉天子
玉食醫藥服御幄帟輿輦舍次之政令少監爲之貳丞參

領之凡總六局曰尚食掌膳羞之事曰尚藥掌和劑診候之事曰尚醞掌酒醴之事曰尚衣掌衣服冠冕之事曰尚舍掌次舍幄帟之事曰尚輦掌輿輦之事六尚各有典御二人奉御六人或四人監門二人或一人又尚食有膳工尚藥有醫師尚醞有酒工尚衣有衣徒尚舍有幕士尚輦有正供等皆分隸其局又置提舉六尚局及管幹官一員舊殿中省判省事一人以無職事朝官充雖有六尚局名別有事存凡官隨局而移不領於本省所掌唯郊祀元日冬至天子御殿及禘祫后廟神主赴太廟供具繖扇而殿中監祕書監為寄祿官而已元豐中神宗欲復建此官而度禁中未有其地但詔御輦院不隸省寺令專達焉初權太府卿林顏因按內藏庫見乘輿服御雜貯百物中乃乞復殿中省六尚以

嚴奉至尊於是徽宗乃出先朝所度殿中省圖命三省行之○御藥院勾當官無常員以入內內侍充掌按驗祕方以時劑和藥品以進御及供奉禁中之用典八人藥童十人匠七人崇寧二年併入殿中省○尚衣庫使副使舊曰尚衣庫大中祥符三年改監官二人以內侍三班充掌駕頭服御繖扇之名物凡御殿大禮前一日請乘輿袞冕鎮圭袍服於禁中以待進御事已復還內庫典一人匠四人掌庫十人○內衣物庫在文德殿後太平興國二年置受納匹段庫受納綾錦西州鹿胎綾羅絹匹段大中祥符元年併入監官二人以京朝官併內侍充舊三人以諸司使副及三班內侍充掌受納錦綺綾羅色帛銀器腰束帶料造年支準備衣服以待頒賜諸王宗室文武近臣禁軍將校時服并給宰臣

親王皇親使相生日器幣兩府臣僚百官皇親轉官中謝

朝辭特賜及大遼諸外國人使辭見銀器射弓衣帶典八

人掌庫二十一人○親衣庫在太監官二人以諸司使副

三班及內侍充掌受錦綺雜帛衣服之物以備給賜及邦

國儀注之用并受納衣服以賜諸司丁匠諸軍監門二人

以三班使臣充典十人掌庫五十五人○朝服法物庫太平

興國二年置後分三庫一在天安殿後一在右掖門內北廊一在正陽門外監官二人以諸司

使副及三班內侍充掌百官朝服諸司儀仗之名物典三

人掌庫三十人已上崇寧二年併入殿中省舊有裁造院針線院雜賣

併之場後省

馬端臨文獻通考太府寺卿掌財貨出納貿易之事凡貢

賦之輸於京師者至則別而受之供君之用及待邊費則

歸于內藏供國之用及待經費則歸於左藏所隸官司二

十有五內藏庫掌受歲計之餘積以待邦國非常之用奉

宸庫掌供內庭凡金玉珠寶良貨賄藏焉祇候庫掌受錢

帛器皿衣服以備傳詔頒給及殿庭賜予審計司掌審受

給數驅磨當否商稅務收京城商稅店宅務掌管官邸店

謹案唐太府唯掌左右藏以待經費內藏供奉之職不

與焉至宋則分受供君供國之用而設官九廣故內藏

奉宸祇候皆如今廣儲司之掌審計則如會計司而商

稅務店宅務亦如今崇文門監督官房租庫之總領於

內務府也

石林燕語內香藥庫在謬門外凡二十八庫真宗賜御製
七言二韻詩一首爲庫額曰每歲沉檀來遠裔累朝珠玉
實皇居今辰內府初開處充牣九宜史筆書

謹案真宗詩所云內府當卽宋志內藏庫內香藥庫近
于今之御藥房矣

玉海少府監掌造門戟旌節祭玉法物乃供祭器鑄印以
朝官判元豐四年十一月五日詔鑄省臺等監印記凡六
十三官制行總局四掌百工技巧乘輿服御之物祭祀朝
會禮樂之器服皆有法式冊寶符節度量權衡之制亦如
之

文獻通考宋少府監判監事一人以朝官充凡天子器玩
后妃服飾雕文錯彩工巧之事分隸于文思院後苑造作
所本監但掌造門戟神衣旌節郊廟諸壇祭玉法物鑄牌
印朱記百官拜表案褥之事元豐正官制置監少監丞主
簿各一人所隸官屬五文思院掌造金銀犀玉工巧之物
金采繪素裝紉之飾以供輿輦冊寶法物及凡器服之用
監官文臣一員武臣二員綾錦院掌織緝錦繡以供乘輿
及凡服飾之用監官三人以京朝官諸司使副及內侍充
裁造院掌裁製服飾監官二人文繡院掌纂繡以供乘輿
服御及賓客祭祀之用建炎初以將作少府監併歸工部
紹興三年復置將作監少府事統焉○入內內侍省内侍
省其屬有御藥院勾當官四人掌按驗方書修合藥劑以

待進御及供奉禁中之用內東門司勾當官四人掌宮禁
人物出入周知其名數而譏察之合同憑由司監官二人
掌禁中宣索之物給其要驗造作所掌造作禁中及皇屬
婚娶之名拜龍圖天章寶文閣勾當官四人掌藏祖宗文
章圖籍及符瑞寶玩之物而安像設以崇奉之翰林院勾
當官一人總天文書藝圖畫醫官四局凡執伎以事上者
皆在焉

隣幾雜志文思院不知緣何得此名或云量名時文思索
或說殿名聚工巧於其側因名之曰文思院

謹案宋初文思院後苑造作所別有官屬不隸少府元
豐定制始改隸之今廣儲司造辦處諸職其時皆爲少

府所統迨南渡以後廢少府隸工部以文思院屬之其
官屬並從工部辟差旋又改隸將作監變更不一其職
事則皆同也內侍省官屬御藥院猶今之藥房合同憑
由司猶今之會計司造作所猶今之造辦處龍圖天章
寶文閣勾當官翰林院勾當官猶今

武英殿

御書處

文淵閣管理事務諸職蓋前代內侍所掌者至我朝而特
設官職始釐正其體統焉

遼

遼史百官志宣徽北院太宗會同元年置掌北院御前祇

應之事北院宣徽使知北院宣徽事北院宣徽副使同知
北院宣徽事○宣徽南院會同元年置掌南院御前祇應
之事南院宣徽使知南院宣徽事南院宣徽副使同知南
院宣徽事○北面御帳官奉宸司掌供奉宸御之事○北
面著帳官筆硯局筆硯祇候郎君筆硯吏牌印局牌印郎
君裊褥局裊褥郎君燈燭局燈燭郎君牀幔局牀幔郎君
殿幄局殿幄郎君車輿局車輿郎君御蓋局御蓋郎君本
班局本班郎君○承應小底局筆硯小底寢殿小底佛殿
小底司藏小底習馬小底鷹坊小底湯藥小底尙飲小底
盥漱小底尙衣小底裁造小底○北面宮官諸行宮都部
署院總契丹漢人諸行宮之事諸行宮都部署知行宮諸

部署司事諸行宮副部署諸行宮判官○契丹行宮諸部
署司總行在軍諸鄂爾多

滿洲語亭也原作
幹魯朶今改正

之政令契丹

行宮都部署知契丹行宮都部署事契丹行宮副都署契
丹行宮判官○行宮諸部署司掌行在諸宮之政令行宮
都部署行宮副部署行宮部署判官○北面坊場官諸坊
職名總目某坊使某坊副使某坊詳袞

蒙古語理事官也
原作詳穩今改正

使某坊詳袞某坊都監鷹坊鐵坊五坊未詳八坊內有軍
器坊未詳

謹案遼官分北面南面以上皆北面官也其供御之官
至爲繁多職掌雖不盡可考而以類求之皆可得其彷彿
史言遼宣徽視工部蓋以其專主工作言之是猶唐

宋少府也奉宸祇候在宋為殿中省之屬而承應諸職則服食寢處之事皆備矣行宮部署院諸司猶今日行宮之有總管苑丞而八坊使內有鷹坊鐵坊餘雖未詳蓋皆近於都虞之職也

遼史百官志南面朝官殿中司殿中聖宗開泰元年見殿中高可恆殿中丞尚舍局見遼朝雜禮奉御尚乘局奉御尚輦局奉御尚食局奉御尚衣局奉御○宣徽院太宗會同元年置宣徽使知宣徽院事馬得臣統和初知宣徽院事宣徽副使同知宣徽使事同知宣徽院事○內省內省使聖宗太平九年初見內省使內省副使內藏庫內藏庫提點道宗清寧元年見內藏庫提點耶律烏爾古蒙古語學生也

原作耶律烏骨今改正○諸監職名總目某太監某少監某監丞某

監主簿○太府監○少府監○將作監

謹案以上皆南面官也史言宣徽等官雖分北南其所治皆北面之事蓋指其供奉宮廷者而言也南面朝官大率承倣唐制而強半缺略元人修史時已不能盡得其詳僅於史文之散見者推而得之今摭取其近於內務府者錄之以著一代設官之略焉

金

金史百官志工部屬官修內司大定七年設使從五品副使從

六品掌宮中營造事兵匠一千六十五人兵夫二千直長二

員正八品部役官四員正八品掌監督工役受給官二員

正八品掌支納諸物祇應司提點從五品令從六品丞從七品掌給宮中諸色工作直長正八品收支庫都監同監

泰和元年置

謹案修內祇應二司如今之營造司及造辦處列代皆屬少府而金獨隸于工部以其為供給宮中工作故別著于此

〔金史百官志〕殿前都點檢司宮籍監提點正五品監從五品副監從六品丞從七品掌內外監戶及地土錢帛小大差發直長二員正八品掌同丞近侍局提點正五品泰和八年拊設使從五品副使從六品掌侍從承敕令轉進奏帖直長正八品大定十八年增二員奉御十六人舊名入寢殿小底奉職二十八人舊名不入寢殿小

底又名外帳小底皆大定十二年更鷹坊提點正五品使從五品副使從六品掌調養鷹鶻海東青之類直長正八品不限員數資考管勾從九品

謹案金制殿前都點檢司蓋兼古殿中監之職與宋代殿前司專掌宿衛武職者不同故宮籍提點近侍提點如今內管領之職而鷹坊提點則今養鷹狗處之職其所屬侍衛指揮等官已別見領侍衛篇茲不具錄

〔金史百官志〕宣徽院左宣徽使正三品右宣徽使正三品同知宣徽院事正四品同簽宣徽院事正五品宣徽判官從六品掌朝會燕享凡殿庭禮儀及監知御膳所隸弩手三十九人控鶴二百人向衣局提點正五品使從五品副使從六品

掌御用衣服冠帶等事都監正九品舊設後罷直長正八品同

監正九品尚食局元光二年參用近侍奉御奉職都監三員正九品不限資考

生料庫都監同監各一員掌給受生料物色收支庫都監

同監各一員掌給受金銀裏諸色器皿以外路差除人內選充尚藥

局提點正五品使從五品由職官內選除副使從六品掌進湯藥

茶果直長正八品都監正九品果子局都監同監各一員

掌給受進御果子本局本把四人御藥院提點從五品直長正八

品掌進御湯藥明昌五年設以親信內侍人充都監正九品不限員奉和令四員同

監從九品不常除泰和令無內藏庫大定二年分爲四庫使從五品副使從

六品掌內府珍寶財物率隨庫都監等供奉其事直長一

員承安三年增頭面庫都監正九品同監從九品本把十人定二年出身

依不入殿段正庫都監正九品同監從九品本把十人金銀

庫都監正九品本把八人雜物庫都監正九品同監從九品本把八人每庫知

書各二人宮闈局舊名宮門司大定二年改爲局舊設令丞改爲使副提點正五

品使從五品副使六品掌宮中閤門之禁率隨位都監同

監及內直各給其事直長正八品內直一百七十八人後作百七十九人

王圻續文獻通考金內侍職見于衛尉司內內侍局中常

侍見于宣徽使內其事多分領于宣徽使而內侍省不設

謹案金內侍諸職多領于宣徽使而內侍省不設深得

成周奄人領於冢宰漢代宦官屬於少府之遺意今考

宣徽使尚衣尚食等局即殿中監之六尚也御藥內藏

庫金銀庫卽內侍省之御藥房內庫使也是宣徽一院

合二省而兼理之與今日內務府之職掌最為昭合

續文獻通考金太府監官屬典給署屬焉典給署本鈎盾署古屬司農寺

金初日鈎盾使明昌三年改掌宮中所用薪炭冰燭

金史百官志少府監尙方織染文思裁造文繡等署隸焉

泰和四年選能幹官兼儀鸞局近上官監正四品少監從五品丞二員從六

品大定十一年省掌邦國百工營造之事尙方署令從六

品丞從七品掌金銀器物亭帳車輿牀榻簾席鞍轡傘扇

及裝釘之事大定二十年令不入祇專除人令人兼直長正八品圖書署明昌七年

入祇應司令從六品丞從七品掌圖書縷金匹直長正八品明昌三年

罷裁造署令從六品丞從七品掌造龍鳳車具亭帳鋪

陳諸物宮中隨位牀榻屏風簾額條結等及陵廟諸物并

省臺部內所用物泰和令有繪畫之事直長從八品明昌三年省裁造匠六人針工

婦人三十七人文繡署令從六品丞從七品掌繡造御用并妃嬪

等服飾及燭籠照道花卉貞祐二年止設官一員直長正八品繡工一人

都繡頭一人副繡頭一人女四百九十六人內上等七十八次等凡四各二十六人文思署明昌七年

祇應令從六品丞從七品掌造內外局分印合傘浮圖金

銀等尙輦儀鸞局車具亭帳之物并三國生日等禮物造

織染文繡兩署金線直長正八品明昌三年省去

元

元史百官志宣徽院秩正三品掌供玉食凡稻粱牲牢酒

醴蔬果庶品之物燕享宗戚賓客之事及諸王宿衛齊哩

克蒙古語兵也原口糧食蒙古萬戶千戶合納差發係官

作怯憐今改正

抽分牧養孳畜歲支芻草粟菽羊馬價直收受闕遺等事
與尙食尙藥尙醞三局皆隸焉所轄內外司屬用人則自
爲選大都尙飲局秩從六品掌醞造上用細酒大都尙醞
局秩從六品掌醞造諸王百官酒醴大都醴源倉秩從六
品掌受香莎蘇門等酒材糯米鄉貢麴藥以供上醞及歲
賜諸王百官者尙珍署秩從五品掌收濟寧等處田土子
粒以供酒材安豐懷遠等處稻田提領所秩從九品掌稻
田布種歲收子粒轉輸醴源倉諸物庫秩從七品掌出納
闕遺監秩正四品掌不闕奚人口頭疋諸物尙食局秩從
五品掌供御膳及出納油麪酥蜜諸物大都生料庫秩從

五品大都上都柴炭局各一尙收所秩從五品沙糖局秩
從五品掌沙糖蜂蜜煎造及方貢果木豐儲倉秩從九品
大使一員掌出納車駕行幸支持膳羞

謹案元宣徽院兼統光祿寺諸職與列代異而醴源倉
之供上醞尙食局之供御膳則仍爲古殿中監之職其
柴炭沙糖諸局亦與都虞司茶膳房諸職相近故並錄
之又元太醫院屬官有御藥局使副亦卽今內藥房之
職併識于此

元史百官志提舉右八作司秩正六品掌出納內府漆器
紅食梢隻等並在都局院造作等物提舉左八作司秩正
六品掌出納內府氈貨柶器等物

職官表卷三十一
謹案左右八作提舉司爲工部屬官以其職掌出納內
府諸物故互見於此其職近廣儲營造二司之所掌也
工部屬官又有晉寧路冀寧路南宮中山等路織染提
舉司如今織造之比文繁不具載附識其大概于此

〔元史百官志〕將作院秩正二品掌成造金玉珠翠犀象寶
貝冠佩器皿織造刺繡段匹紗羅異樣百色造作至元三
十年始置諸路金玉人匠總管府秩正三品掌造寶貝金
玉冠帽繫腰束帶金銀器皿并總諸司局事異樣局總管
府秩正三品異樣紋繡提舉司綾錦織染提舉司紗羅提
舉司秩從五品紗金顏料總庫秩從九品

〔續文獻通考〕江淮等處財賦都總管府杭州織染局大使

副使相副官各一員黃池織染局大使副使相副官各一
員建康織染局大使副使相副官各一員

〔元史百官志〕太府監秩正三品領左右藏等庫掌錢帛出
納之數中統四年置至元四年爲宣徽太府監凡內府藏
庫悉隸焉八年陞正二品大德九年改爲院秩從二品院
判參用宦者至大四年復爲監內藏庫提點秩從五品掌
出納御用諸玉段疋納奇實原作納失今改正紗羅絨錦南綿香

貨諸物右藏提點四員掌收支金銀寶鈔濟遜蒙古語顏

只孫今改正段疋水晶瑪瑙玉璞諸物至元十九年置左藏提

點四員掌收支常課和買紗羅布絹絲綿絨錦木綿鋪陳
衣服諸物至元十九年置○大都畱守司秩正二品掌守

衛宮闕都城調度本路供億諸務兼理營繕內府諸邸都宮原廟尚方車服殿廡供帳內苑花木及行幸湯沐宴游之所門禁關鑰啟閉之事至元十九年罷宮殿府行工部置大都留守司兼本路都總管府治民事并少府監歸留守司皇慶元年別置少府監延祐七年罷少府監復以留守兼監事其屬附見○修內司秩從五品掌修建宮殿及大都造作等事祇應司秩從五品掌內府諸王邸第異巧工作修禳應辦寺觀營繕器物局秩從五品掌內府宮殿京城門戶寺觀公廨營繕及御用各位下鞍轡瑚格原作忽哥今改正轎子帳房車輛金寶器物凡精巧之藝雜作匠戶無不隸焉中統四年始立御用器物局受省劄至元七年改

為器物局器備庫秩從五品掌殿閣金銀寶器二千餘事至元二十七年置甸皮局秩正七品歲辦熟造紅甸羊皮二千有奇儀鸞局秩正五品掌殿庭燈燭張設之事及殿閣浴室門戶鎖鑰苑中龍舟圈檻珍異禽獸給用內府諸宮太廟等處祭祀庭燎縫製簾帷灑掃掖庭○和用監秩正三品掌出納皮貨衣物之事資用庫提點秩正五品至元二年置隸太府十年隸和用雜造雙線局秩從八品掌造內府皮貨鷹帽等物熟皮局掌每歲熟造野獸皮貨等物軟皮局掌內府細色銀鼠野獸諸色皮貨斜皮局掌每歲熟造內府各色野馬皮膾○中尚監秩正三品掌領資成庫擅作供內府陳設帳房帘幕車輿羽衣之用資成庫

秩從五品掌造璫貨至元二年置隸太府二十三年始歸

于監○章佩監秩正三品掌宦者都古爾齊

蒙古語盈滿也原作迭古

兒赤今改正所收御服寶帶御帶庫秩從五品掌繫腰偏束等

帶併繚環諸物供奉御用以備賜予異珍庫掌御用珍寶

后妃公主首飾寶貝○尙供總管府秩正三品掌守護東

涼亭行宮及遊獵供需之事○雲需總管府秩正三品掌

守護察罕諾爾

蒙古語察罕白也諾爾池也原作察哈腦兒今改正

行宮及行營供

辦之事

謹案元廢少府監盡以其事歸大都畱守與晉哀帝時

罷少府歸併丹陽尹其制正同但畱守司職辦工作其

內府庫藏則皆領于太府監是亦與後魏北齊之罷少

府而歸併太府者體製相似太府左右藏自古有之以

供邦國之經費惟元則盡爲供御之物與古又少異也

元又有和用監中尙監章佩監領各局諸庫爲自古所

未有今廣儲六庫營造八作之所司差爲相近尙供雲

需兩總管府掌行宮及遊獵之事則今都虞司及

行宮總管皆其職也元官隨處皆置提舉諸路打捕鷹房

民匠皆有總管府以理之亦不盡爲內務府之職故略

而不載焉

明

續文獻通考明初設文思院等衙門掌造作諸事後裁革以其事歸工部凡少府將作等監皆不設

明史職官志宦官十二監司禮監內官監御用監司設監
御馬監神宮監尙膳監尙寶監印綬監直殿監尙衣監都
知監四司惜薪司鐘鼓司寶鈔司混堂司八局兵仗局銀
作局浣衣局巾帽局鍼工局內織染局酒醋麪局司苑局
所謂二十四衙門也其外有內府供用庫司鑰庫內承運
庫十庫甲字乙字丙字丁字戊字承運廣盈廣惠贓罰御
酒房御藥房御茶房牲口房刻漏房更鼓房甜食房彈子
房靈臺繅作盛甲廠安民廠提督東廠提督西廠織造市
舶監督倉場不可勝紀

謹案明代初設少府後以其事歸工部而少府不設初
工部屬官有將作監後改爲營繕所又有提督易州山
廠掌督御用薪炭之事是工部屬中實有內務府都虞
營造二司之職明初設宣徽院後改爲光祿寺以尙食
尙醞二局隸之又移太常之供需庫隸之光祿又有葶
牧所後改司牧司又增設司圃所葶牲所諸職是光祿
所隸又兼有內務府掌儀慶豐二司之任然司供御者
實不屬於部寺而歸之宦官蓋前代少府殿中宣徽諸
職至明代始盡去之所立十二監四司八局庫房廠使
紛紜不一各有提督太監掌印太監等員內而服食起
居庫藏賞賚外而軍營廠獄礦關採辦無一不以宦官
領之借端恣橫更迭盤踞久之而與參機密撓亂國是
卒至太阿倒握威福下移宮闈之法度大紊而國事遂

不可為自古供御之弊政未有甚于前明者也我

朝設綱定紀盡革前弊創立內務府為萬世經常之法既

分置各司以董厥職並

特簡總管大臣綜理其事其諸衙門各有分守職任之重者

皆

命大臣監理之小大綱維悉與周官職制相準彼漢唐以來

少府殿中參差更革散寄而無所統一者洵不足以比

量萬一矣

國朝太監職制附

總管太監

四品亦有以七品執守侍充者

二曰宮殿監督領侍曰宮殿監正

侍○副總管

六品

銜曰宮殿監副侍

亦有係執守侍銜者

○首領太監銜二

曰執守侍

七品

曰侍監

八品

○副首領

八品侍監亦有無品級者

○筆帖式

惟敬事房有之

○太監

無品級

總管首領初定品級皆有正從雍正八年更定品級不分

正從乾隆七年定宮內等處太監官職以四品為定永不

加至三品以上

頒定則例七條宮殿監處分例十一條又凡例四條各處首領

太監處分例十六條永遠遵守錢糧俱按現行則例內額

數不許增添其錢糧之額以銀五錢米半斛為等銀自每

月八兩至二兩凡十三等米自每月八斛至一斛半凡十四等其人之數總管十四人副總管八人首領一百八十九人副首領四十三人筆帖式四人太監無定額順治年定制不過千餘人其職掌惟敬事房辦理宮內一切事務禮儀及承行內務府文移并收納外庫錢糧其餘專掌隨侍守護承應洒掃坐更等事

謹案周禮閹者守中門之禁寺人掌女宮之戒設官分職咸備其數其以奄序官者惟內小臣爲上士注謂奄上士奄之賢者但言奄則府史之類然則成周之制於內臣未嘗不班之以爵也第限以上士不使踰越而所供惟飲食門閹之事斯百代之良規矣漢唐以降人主

因其職在禁近漸加委任遂干政事履霜堅冰淪胥莫救數或逾萬爵至開府逮於前明其弊尤甚洪武中嘗禁內臣不得干預政事敕諸司毋與內官往來乃未幾命聶慶童往河州敕諭茶馬而中官奉使始此矣永樂中亦嘗諭一軍一民中官不得調發有私役工匠者立命逮治乃元年李興等齎敕勞暹羅國王而奉使外國始此矣三年命鄭和等率兵三萬行賞西洋古里滿刺加諸國而將兵始此矣八年敕王安等監都督譚青等軍馬靖巡視甘肅而監軍巡視又始此矣及洪熙元年以鄭和領下番官軍守備南京遂相沿不改敕王安鎮守甘肅而各省鎮皆設鎮守矣宣德四年特設文書房

命大學士陳山授小內使書而太祖不許識字讀書之制廢矣賜王瑾金英印記而與諸輔弼大臣同矣賜金英范宏等免死詔則又無異勅臣之鐵券也英之王振憲之汪直武之劉瑾熹之魏忠賢薰天灼手流毒無已神宗礦稅之使無一方不罹厥害其他怙勢竊權不可勝紀而蔭弟蔭姪封伯爵公則九撓官制之大者愍帝初翦大愆中外頌聖旣而鎮守出征督餉坐營等事無一不命中官爲之而明亦遂亡矣我

國家內治修明宮政嚴肅

世祖章皇帝鑒古垂訓設立鐵牌裁定內官員數

列聖相承無不防微杜漸訓誡周詳凡諸內臣恪恭職守無稍

大四百五十三

踰越我

皇上鑒于

成憲規定規條所掌有常事所司有常地授爵以四品爲限而統以內務府大臣正與周禮之領於天官者若合符節此

聖人治內之法所爲度越前代豈獨前明之秕政盪滌無餘也哉

